


TRUTH
CENTERED
TRANSFORMATION

MODULE



TITO EJIRI
GIATELO NGAPWONY

Alokaloka kosipokin ii Ateni —Itabu: Tito Ejiri itabu me 4.0 twero me loke otimere imwaka me ©2023  Lobo korucakin, Poniks, Arisona, United States me Amerika. www.reconciledworld.org

Tic ni otimo di eudere idud kope ka yei ne tic owok kede diru pi bero gi kame rom aroma- kame mako kop me nywak karacel kame twero mere owok 3.0. Oyei nin dokon di oko cuko cunyi pi kello tice mogo ikom iye, kede kopao di iko gabe, di iko loke di lubere kede kope gi:

Yei kede ruom mere – yin miero iyei kede ruom me tic kede di iribaro kede tuck a lubere gi: copyright @ 2017 kame Lobbo korucakin en ko mie engere {www.reconciledworld.org} idud kopek a yei ne tic kowok kede diru pi bero gi kame ruo aruoma- kame twero mere owok kiinywak di rorom 3.0. pi kope katot, nen wa ii www.creativecommons.org.

Likame ebedo me ud me sente – cenge mogo yin likame itwero tic kede kope gi pi ud me sente.



Kame di cunyi mito tako tic ni, nen be ikubere kede wa ii_info@tctprogram.org.

Tienge kame ojura gi dedede, okwanyo kii Holy Bible, New International Version, 'NIV', kwanyo kenekene kame di onyuto, Kopyright@1973, 1978, 1984, 2011 di beo kibut Bibilika, Inc, TM, otio kede di twero me Zondevan, Duc twer dong worldwide. www.zondevan.com. 'NIV' kede New international Version obedo nying me catkowandikin kede lobo me United States kame ki tie kede twero kame iswil yei omio gi twero me cat di beo kii twero me Bibilika, Inc. TM.

Di Pwodi Likame Icako

likere me cako pwony

1. Som **gika telo nga pwony** tien atot atota kiber kame di etwerere. Wandiko kope kakonyi inget itabu tucel pi yutunoni kope kapi gi tek.
2. Ngingico **tam kapi gi tek** kii dul pwonyere acel acel tetekeny ingei gi kame idue pore siao kii dul pwonyere no.
3. Som **gi awandik** dedede sek.
4. Ngingico iber pi **nen jamini kame mitere** kii dul pwonyere acel acel di iko neno be iwoto itabun kame konyo idue niang di tot (handouts) di iko cweno cal agoa me pwony kame in itio kede ki dul pwonyere no.
5. Nen be inao **kede giatima acel acel** kii dul pwonyere (nyuto tukere, cal agoa kame konyi pwony).
6. Ter kare **iye ilega** but Rubanga pi iiko cuny idue kasomo tetekeny gin kitwer winyo gikame Rubanga Mito negi winyo, kede wek En ekonyi pwonyo itabu ni. Yutuno be di beo kii teko ka Rubange kenekene en koyaro konyi loko kuo mejo.

Epone me Tic Kede Gikame Telo Ngapwony

- 1) **Tam ka pir gi tek kede Jame me Tic:** Dul pwony acelacel gere l adul ni.
 - a. **Tam ka Pir Gi Tek** – Otie kede tam apiri gi tek atot idul pwony acelcel, do kii acikini me dul pwony acelacel, mito di idwe kasomo otiyeko nyang iber tam ka piri gi tek acelacel. Etie gigaber meyin benyere keni gamedi idwe kasomo yutuno tam apiri gi tek noginiiesawa kame itie telo kede isomo. Ter kare me temuno ngingico tam ga piri gi tek nogi konyogi yutuno.
 - b. **Jame me tic** – Jame me tic kibecokina kame pir gi tek pi dul pwony acelacel konapo, medo kede Cal Agoa kede jame me tic ace kame obino memeno. Itapu katelo kapwony ni omito nyutoni esawa ipore tic kede gi. **CAL AGOA** komito wandiko gi aman kiidulpwony acelacel.
- 2) **Icorakin but Ngapwony:** *Magi obedo icorakin kitegelekina kii dul pwony kame konyi telo pwonyere iber. Likame yin ipore nywako gi kede idue kasomo. Som gi sek tetekeny yin itwer yikere bala kame yin iyaro oot telo kede leno tam kede giatima. Dokon peny mogo da kowandiko adwok gi iyore kitegelikina pi konyin ngapwony ngeno tam kame ipore nyigiro ne idue kasomo.*

Dul Pwonyere Me 1: Atuc Jiri En Ngai?

Tam Ka Pir gi Tek

Akurisitayo acel acel obedo ngatuc ejiri. Gimoroni kenekene kame wan otimunu kame konyo jo dooko ikurisitayon obedo tuco ejiri. Wan miero olwongunu jo nywako bedowa kede Rubanga.

Jame Me Tic

- Mugati orabo cam moro ni dedede kame pore aika
- Papulan kame konyo pi nyuto tuko (kopis 3)
- Ecupa arabo ikompe

Nyuto pwony

LENO TAM IEKODET KADWONG

Icorakin but Ngapwony: *Ting epone me mugati arabo cam Moro ni malo. Peny kilasi pi tamo kop ikom cam Moro aber kame gin kitieko camo. Penygi ngai en okonyo iiko cam me epone nono. Ingei udo agam mogoo anonok, kony kilas pitamo kop kamako jo icegun kame maro iiko cam.*

(Bala nat: Dano moro onyongo engano di eko cweno mugato. Ngapur puro engano. Dano Moro diko riego alos. Ngatamoro diko tiengo kidi me riego. Dano Moro okonyo munyo. Ngatamoro da diko tero munyo kede engano idero me gwokogi. Dano Moro diko Cato munyo. Dano Moro diko kelo pi. Dano Moro diko mwodo yen. Dano Moro diko teto sepula me tedo mugati.)

Jo atot en kame iiko cam, likame ngat kame tedo kenekene.

- Ngai en kame lem wan otamunu be obedo atuc jiri?
- Par ber pi epone kame yin idoko kede Akurisitayo. Ngai en okonyi? *(Pepenyo peny kalubere gi dioto momot tetekeyi imi kare but dano acel acel me angingicun.)*
 - Benyo, bin ngatamoro en olego ni?
 - Benyo, bin ngatamoro okonyi ikare kame me itie kede rem me gimoro?
 - Ngai en konywako kedi ejiri?
 - Benyo, bin ineno tic me akurisitayo di pat kede mejo ace?
 - Benyo, bin yin idongo ipaco me Akurisitayo? Ngai enkame bin opwonyi kop ikom Kurisito kakame yin bin itie dongo kede?
- Benyo, jokame bin okonyin dooko Akurisitayo go, gin dedede oudo kibedo jokwate, jotel kanisa, arabo jokame timo tic me tuco ejiri bala tic kame gin kipwonyere me timo?

Yin ibedo Ngatuc Ejiri

LENO TAM IEKODET KADWONG

Omitunu oot soomo itatam adek kame wok ibaibuli. Gin dedede kimio acora ikom kop kamako tuco ejiri. Di pwodi likame osomogi, onenunu be, but ngai gini en kame bin komio icorakin gi.

- 1) Kieitatam kame wok ii Matayo, Yesu tie miino icorakin but josiao meege.
 - Alugini en kobedo josiao ka Yesu me tin? *(buli ngat koyei)*
- 2) Kieitatam kame wok ibut jo Kolosai, Ngaor Paulo tie wandiko ne jo Arubanga kacil kame tie ibomba kadwong me Kolosai.

- Alugini en kobedo 'joka Rubanga' me tin? (*ngat koyei acel acel, kanisa dedede*)
- 3) Kieitatam kame wok ibut Petero me acel, Ngaor Petero tie wandiko ne joka Rubanga kame oyero [kame obedo] "okeketun".
- Alugini en kobedo jo ka Rubanga kame oyero'? (*ngat koyei acel acel, kanisa dedede*)
 - Alugini do, en kibecokina luubo icorakin kame mako tuco ejiri? (*ngat koyei acel acel*)
 - Ngai do en kobedo atuc jiri? (*ngat koyei acel acel*)

Icorakin but Ngapwony: *Mi danomoro som itieng acel acel kede dwan alongo. Ingei itieng ACEL ACEL, pepenyo peny kalubere gi:*

- Itieng ni yamo kop nyo iokm tuco ejiri?

Som Matayo 28:18-20

- *Lok jo dok josiao na [dibeo] kii batiso kede pwonyogi; timunu kamanono ii atekerin dedede.*

Som Jo Kolosai 4:5-6

- *Bedunu riek iepone kame ibedunu kede jome ooko.*
- *Ngei epone me dwooko kop.*
- *Ti kede epiding moro dedede.*

Som Petero me 1 Peter 3:15

- *Ikere me dwoko peny iesawa moro kene kene but dano moro kame peny kop kamako gen kame yin itie kede.*

- Benyo, itienge gi SEIKINO Waco newa gime ayama arabu epone me tuco ejiri? (*li*)

Itienge gi likame seikino yamo newa epone me tuco ejiri. Gin kiwaco be wan opore loko jo doko josiao. Gin kiwaco be wan opore nywako kop kamako Yesu iepone kame wan okaruno kede. Gin kiwaco be wan opore bedo di ikapakina pi tic kede epiding kame Rubanga miowa. Gimoro dedede kame wan otimo arabu kame oyamo kame konyo jo dooko Ikuristayon obedo tuco ejiri.

- Kame itatamo ne katin itatam moro kame yai kii Baibuli mano da obedo tuco ejiri.
- Kame yin idagi kwalo gimoro iatale di ngatamoro oko niang iye, mano da obedo tuco ejiri.
- Kame yin iyamo kede dano moro kop ikom epone kame dub wa musungo kede nywak wa, mano da obedo tuco ejiri.
- Kame yin itatamo ne ngawoti alikame obedo akurisitayo be yin iko konyo dakoni kede tice me paco pien Rubanga mito ni maro dakoni, mano da obedo tuco ejiri.
- Kame yin ilego kede ngakio ni, di ikwao Rubanga pi mine winyo kede pi pokone jame koreme, mano da obedo tuco ejiri.
- Tam dokon kop ikom jo okonyin dooko Akurisitayo. Mene ikom jogi en kame bin obedo jo tuc jiri? (*gin dedede*)

Akurisitayo acel acel obedo ngtuc jiri. Gimoro ni kenekene kame wan otimunu kame konyo jo udo ngec ikom Rubanga dikiko dooko Ikuristayon en obedo tic me tuco ejiri. Tuco ejiri likame en jecakino cunjo di iko geno lwongo jo pi bino iswilar dikiko geno lubo Rubanga. En ebedo gi dedede kame wan otimo kame iiko cunjo dano pi mine mooko tam me lubo Rwot.

Yin Itie Kede Gimoro Kame ikaruno Nywaako

LENO TAM IEKODET KADWONG

Icorakin but Ngapwony: *Mi jo adek som kop kamako nyuto tuko. Mi ikompe arabo ecupa but dano akome yot. (Cengemogo ikaruno mito yero jomogo kajalere sek di iko minogi kisiao giatima nono sek tien acel arabo kire di pwodi likame kisomo but ekodet.)*

Giamata Kitegelekina

NGAKIO ME 1: *(iturur, neeno me dano katuo itek)* Okwe, koma tin lit benyo. Ango do atie kede oolo atek twatwal iceng gi.

NGAKIO ME 2: *(irurum, neeno me dano katuo itek)* Eebo, angoda koma lit twatwal ISAWAN dedede cunya paro cango tetekeny wek koma winy yoto kede teko!

NGAKIO ME 1: Angoda. Do ali kede kare me more natamane. Apore dok katic Na...kame twerere. *(Yai iot momot)*

NGAKIO ME 3: *(edonyo iiot kede teko, di emako cupa arabo ikompe)* Alo!

NGAKIO ME 2: *(eyamo kede dwan amomot)* alo. Benyo, likame oudo ituo nyoro? Nan do ineno bala ngat kame kome yot di dokon teko tie ikomi!

NNGAKIO ME 3: Eebo angoda atuo, do nataman atieko udo cango ikom tuo! Cango nono tie ikom giamata kitegelekina ni. Ka imato giamata ni, imito winyo yot kom kede teko. Benyo, Ida cunyi Mito bala koto iude? *(Emio ngakio me 2 no giamata)*

NGAKIO ME 2: Oo, eebo, keli! *(egamo giamata di kome oko doko yot dokon eko bedo kede teko da)* Apwoyo twatwal!

NGAKIO ME 3: Peko Moro liatie! Cunyango yom kame di yin itie winyo iber odocon. *(edonyo oko)*

Ceng kame lubo, Ngakio me 2 oriamakin kede ngakio me 1 dokon

NGAKIO ME 1: *{egete kede oot dok iot, eko neno ngakio me 2}* Otakwi, komi tin olokere benyo! Komi neno yot, dokon itie kede teko adikinice!

NGAKIO ME 2: *(etie pwodi maako giamata mere icinge)* EEBO...ateteni! Etie gikaber pi bedo kede yot kom di dokon teko da tie ikomi.

NGAKIO ME 1: Angoda ageno be ceng moro acel amito bedo kede yot kom kede teko.

NGAKIO ME 2: Angoda ageno kamanono, piri. Amotoko imito udo ngatamoro koyaro koonyi. Eebo, apore oot. Bala kame nan do awinyo kede teko ikoma, miero aooti iitc. Ber yin do idongi! *(Ngakio me 2 oyai do, di emato pii mere kitegelekina kede teko adwong adikinice. Ngakio me 1 oyai, di kome pwodi lit kamonono.)*

- Epone mene en kame dano akome yot no okonyo kede ngawote kame kome lit ca? *(Enywako kede giamata kitegelekina.)*
- Epone mene en kame ngat akome pwodi lit karuno udo kede yot kom kede teko? *(kame ngatamoro onywako kede giamata)*
- Benyo, ngai en konyuto amara adwong—dano konywako kede, arabo dano alikame onywako kede? *(dano konywako kede)*

- Jo kame komgi yot oudo koto tie kede gikame kitwero nywako kede jo kame komgi lit. Bala kite kame ecal kede Kaman, wan otie kede gimoro kame okaruno nywako kede jo kame liko yei.

Wan otie kede nywak kede Rubanga. Jotuc jiri konyo jo pi bino but Rubanga.

- Tam ber dokon kop ikom jo okonyi winyo cuny me lubo Kurisito.
 - Benyo, dano kame olego ni no bin tie kede nywak kede Rubanga?
 - Benyo, dano otatamo ni kitatam kawok ibaibuli no bin tie kede nywak kede Rubanga?
 - Benyo, bin dano oniangi epone me lubo Yesu no tie kede nywak kede Rubanga?
- Benyo, Ida itie neno di itie timo gikame jogo bin otimo? Benyo, yin nan do itie timo kamanono cuto?

Kope Kajiko

Buli Akurisitayo obedo ngatuc jiri. Buli ngat acel acel ikomwa tie kede nywak kede Rubanga. Gimoro ni kenekene kame wan otimo, kame konyo jo ngeno Rubanga en obedo tic me tuco ejiri. Kii kitabu ni, wan omitunu yamo itek twatwal nyo en kame dwong kop no nyuto. Wan omitunu yamo ikom epone aber me tuco ejiri.

Kiikodeta, terunu dakikan kanonok me lego karacel pi jokame wun ingeunu be likame pwodi oyei.

Dul Pwonyere Me 2: Egolo Me Tuco Ejiri

Tam Ka Pir Gi Tek

Egolo me tuco ejiri en kello jo pi bedo kede wad kede Rubanga tetekeny gin kidok josiao.

Jame Me Tic

- Jame me alwoma/auca – kame romo ngat acel acel, kipore bedo kede 1-2 (bala nat papulan koyeyecun, sokosin konyinyilun...)
- Ebukit kicararai

Nyuto Pwony

TIC IEKODET KADWONG

Icorakin but Ngapwony: *Mi dano acel acel gimoro kame gin kitwero wuco. Wacne ngat acel acel wuc giawuca mere pim egolo. Gin kimito penyo nyo en obedo egolo. Wacegi be “eebo!” Manono en obedo kakame tic kame wan otie timo ni kemo! Etie gikame tek me yin tuno iegolo kame likame yin ingeo gikame itie keemo. Kiarao ebukit kicararai di iko mino gi kitam wuco giawuca gi no diki pimo wang ebukit kicararai pi mino gi yom cuny kede mino gi tieko giatima gi no.*

LENO TAM IEKODET KADWONG

Icorakin but Ngapwony: *Di itieunu ileno tam gi, kur ipari arabo peny kame jo tie gamo tie kakare arabo li. Kom pwonyere ni dedede bino kello niang aber ikom kope gi.*

Di pwodi likame oyamunu ikom kop kamako tuco ejiri, miero wan ber oniangunu egolo me tuco ejiri.

- Jotuc jiri go ber tie tamakino timo nyo? Epone mene en kame ngatuc jiri ngeo kede be tic mere tie wok kakare?
- Ting badi malo kame di bin yin iyamo ilega me ngadubo kakame itie dooko kede Ngakurusitayo.

Lego me ngadubo en jecakino tuco genwa kame oketo ikom Yesu kede gikame wan oyei kede icunywa. Kie ilega ni:

1. Wan oyei be otie jodubo dokon wan oswilaro ikom dubwa.
 2. Wan okwao isasir kede kuo anyen di beo kii Yesu Kurisito.
 3. Wan omoko tamwa pi maro Rubanga kede winyo gikame En emito newa timo pi ceng acel acel.
- Benyo, Waco ilega me ngadubo KENEKENE romo ne dano morono lakere?
 - Benyo, kame ngatamoro owaco ilega me ngadubo di likame eko bino ikanisa arabo yei looko kuo mere, okarununu Waco be tuco ejiri no ooto kakare?
 - Benyo, kame ngatamoro owaco ilega me ngadubo di eko medere kede dub di dokon likame emito pwonyere ngeno kop ka Rubanga, kitwero dooko Ikurusitayon?

Onenunu nyo en kame Baibuli Waco ikom egolo me tuco ejiri.

Nywak kede Rubanga

LENO TAM IEKODET KADWONG

Som Yokana 3:16

- Pinyobo en komio Rubanga bin ooro Yesu ilobo?
 - *Pien bin En eko maro lobo*
 - *Tetekeny kur omuducarunu do oudunu kuo kaperakino*

Som Yokana 11:25-26

- Benyo, Yesu owaco be En ebedo nyo?
 - *Iyarun kede kuo*
 - *Dano kame mio kuo aperakino but ngat kame yei En*

Som Yokana 17:2-3

- Di lubere kede itieng 2, nyo en kame Yesu tie miinowa?
 - *Kuo kaperakino*
- Benyo, kame Yesu tie minowa kuo aperakino, dokon di Yesu OBEDO iyarun kede kuo, okarununu udo kuo aperakino di likame otieunu kede nywak kede Yesu?
 - *Li*
- Alubere kede itieng 3, kuo aperakino en nyo?
 - *Ngeno Rubanga kede Yesu Kurisito*

Rubanga ooro Yesu Kurisito tetekeny okuiunu nakanaka kede En. Yin miero ibed kede nywak kede Rubanga tetekeny ibed kede kuo kaperakino.

Som Joroma 10:9

- Jamini mege are en kame wan miero otimunu pi lakere?
 - *Tuc kede dogi*
 - *Yei kii cunyi be Yesu en Rwot*
- Benyo, kame di wan otucunu kede dogwa be oyeunu, dodi likame oyeunu icunywa, otwerunu lakere *(li)*

Som Matayo 7:21-23

- Benyo, kere danomoro karuno yamo kede doge be Yesu En Rwot, dodi likame engeo Rubanga? *(eebo)*
- Benyo, kere danomoro karuno Waco kope kame tie ieilega me ngadubo dodi likame engeo Rubanga? *(eebo)*
- Benyo, oudo kotogi idwero lakere? *(li)*

JUJUNGO KOPE

Ngeno Yesu en yogayo acel kenekene kame terowa kuo kaperakino. Ilega me ngadubo likame obedo twer moro kame loko jo doko ikurisitayon tetek. Likame iudo kuo kaperakino di beo gi iwaco me, 'Yesu, okwe sasiro ango gi idumna di iko mina kuo kaperakino'. Pore in igrade di beo gi cweno nywak kede rubanga.

LENO TAM IEKODET KATIDI

- Epone mene en kame yin ingeo kede be itie kede nywak kede ngatamoro? (Tam kop ikom ngat kame inyomo kede, imiegu kede amiegi ni, jonywal ni, arabo jowoti abeco. Por gi kede kede jo kame yin ingeo kop ikom gi – adwong lobou arabo ngata moro ni kenekene kame yin iriamakin kede tin)

Som Yokana 14:21-23

- Wanunu ibecokina timo benyo inywak wa kede Rubanga? (*Opore winyo icikakin ka Yesu, di oko mare*)
- Nyo en kame Rubanga kede Yesu omino timo?
 - *Ebino butwa*
 - *Emaro wa*
 - *Etimo paco mere kede wa*
- Epone mene en kame nywakwa kede Rubanga cacal kede nywak kede dano ace? Do epone mene en kame epapat kede?

MINO ADWOKINI KEDE JUJUNGO KOPE

Bedo kede nywak kede Rubanga nyuto be wan ogene. Omare. Wan owinye. Dokon otero kare me yamo kede. Egolo me tuco ejiri en kello jo inywak kede Rubanga.

Oor Kadwong

LENO TAM IEKODET KADWONG

Di pwodi Yesu likame odok malo lpolo, En emio icorakin but josiao meege pi timo tic me tuco ejiri.

Som Matayo 28:16-20 tien me are – ‘Oor Kadwong’.

- Nyo en kame bin Yesu ooro josiao meege pi timo? (*loko jo doko josiao meege, batiso gi kede pwonyo gi*)

Som Yokana 15:8

- Epone mene en kame ngatamoro no karuno nyuto kede be en etie ngasiao ka Yesu? (*nyaako anyakini*)

JUJUNGO KOPE

Oketunu tam are gi karacel. Egolo me tuco ejiri en kello jo inywak kede Rubanga tetekeyi kidok josiao.

Kakame jo nyuto kede anyakini, wan oko do ngeno be gin kibedo josiao. Dokon oko ngeno be gin kitie kede nywak kede Rubanga.

Anyakini me Ngasiao

LENO TAM IEKODET KADWONG

Oyamunu ikom anyakini noni.

Apuserut Konyuto Anyakini

Icen ngei too kacware, Nagamani da oudo mito too. Jodiakal ka cware oriame tenge. En eko dok icalo tur gi kede idue katino are. Eko neno do bala kony mere li dokon gen moro dado line. Ngat koyei moro acel me kanisa oko tatamo ne Akwat Paulo kop ikom Nagamani. Akwat Paulo oko welao en. Dakoni diko penyo Paulo be, “Tien kop nyo en omio ango apore bedo kuo?” Akwat Paulo diko Waco ne be. “Yin ipore bedo kuo pi Rubanga kede pi idueni, likame pirin”. Kanisa diko geno gwoko Nagamani bala diakal. Gin kiko geno culo isoma kawode. Gin kiko lego kede kakame bin par odubo kede cunye. Gin dokon kiko mine carani. Nagamani oko tic kede carani me timo sente di beo kii kuno iteteyin kaboco me mon me imuindin ngapo. En bin eko timo sente kame romo ne culo sukulu pis me nyare karacel kede me gwoko ture. En eko neno epone kame kanisa omare kede akadi bed bala en oudo likame ebedo Akurisitayo. Pi kop no, Nagamani oko mino kuo mere but Yesu. En bin eko karuno wok tenge ikom par kame bin odubo cunye. Eko do geno bedo ieilega me woro Rubanga kame bedo ikanisa, eda do eko donyo mino irabu

mere me timo Tice me Amara. Nando etie pwonyo anyira kii calogi epone me kuno carani, komio gida do kitwero gwokere kengi. Dokon en etie konyo tedo cam ne apuserun mogo me kanisa. Isawan mogo da dokon egabo iteteyin kaboco butgi.

- Anyakini me epone mene en kame Nagamani ogeo nyuto kakame emio kede kuo mere but Yesu? (Epone mene en kame yin ikaruno ngeno kede be en oudo etie kede nywak kede Rubanga?)
 - *Ewok tenge me kope kodubo cunye (yom cuny odonyo ikuo mere)*
 - *Egeo lego ikanisa*
 - *Enyuto amara but icegun (emio sente, cam, iteteyin; epwonyo icegun epone me kuno carani)*

LENO TAM IEKODET KATIDI

- Tam kop kamako kuoni bala Akuristayo. Nywak kede jo epone kame kuonini likame cacal kede me jo ace pi kite kame yin igamo kede Kurisito. (Bala nat, benyo, itie kede imiela me siao kop ka Rubanga, cunyi dubere itek kame di itimo dub?)
- Epone me anyakini megge ace en kame ngasiao pore bedo kede?

(Kame di ikodeta tie mito tam, ngapwony karuno mino gi udo tam go di etio kede anen me iponeso kede tim kame konapo piny gi)

Cunye mito pwonyere

Emito yomo cuny Rubanga kede kuo mere dedede

Etururo/eswilero kaedubo

Eketo rem me icegun me agege

Etie kede cuny me mwolere kede ateni

Esomo Baibuli di elego

Esasiro jo koguikino en

Egeno Rubanga kede pekini mege

Etamakino cango nywak otur

Etio kede jamini mege me yomo cuny Rubanga

Etamakino woro Baibuli

Emito nyuto nejo be en etie a Kurisitayo

Ekonyo jocan

Eoto ikanisa didik

Egero nywak kede Ikurisitayon ace

Etero kare inyim Rubanga

MINO ADWOKINI KEDE JUJUNGO KOPE

Icorakin but Ngapwony: Katwerere, wandiko tam kame ikodeta tie wok kede ikom kop kamako “anyakini” iebao atar.

LENO TAM IEKODET KADWONG

- Tam ber kop kamako anyakini kame yin inapo go, benyo, kopore nyuto gi natamane, arabo icen ngei to? *(natamane)*
- Benyo, anyakini noni ba, kopore nyuto iceng me sabiti kenekene, arabo ceng dedede? *(ceng dedede)*
- Benyo, ngatamoro kere karuno doko Akurisitayo kame eyamo ilega me ngadubo dodi likame nyako anyakini moro? *(li)*

Josiao me ateni nyako anyakini. Gin kimaro Rubanga. Gin kiwinye didokon kikiyomo cunye

Kope Kajiko

Egolo me tuco ejiri en kello jo inywak kede Rubanga, tetekeyn gin kidok josiao. En likame ebodo tic me udo jo di mio gi yaamo ilega me ngadubo. Yaamo kope mogo likame nyuto be dano do Nan olakere dokon etie kede kuo kaperakino. Wan onge be jo tie josiao di kinyuto anyakini. Manoni nyuto be kuogi lokere pien gin kitie lubo Yesu. Kame di man otimere, wan onge be gin kitie do kede nywak kede Rubanga, dokon da nan kitie kede kuo kaperakino.

INGINGIC APIRI

- Benyo, itie kede ngec ikom jo kame Waco be gin kibedo Ikurisitayon, dodi likame kinyuto anyakini? Ter kare anonok me lego pirgi.
- Do yin kono? Tie ngatamoro kame karuno niang be yida ibedo ngalub Yesu di beo kii anyakini ni?

Dul Pwonyere me 3: Tuco Ejiri cacal kede Pur

Tam Ka Pir Gi Tek

Tuco Ejiri obedo anapeta, bala pur. Ibut jomogo, yer me lubo Yesu likame timere icen ngei winyo ejiri icel kenekene.

Jame Me Tic

- Kads kame nyuto anapeta me Tuco Ejiri (gin kads 6)

Nyuto Pwony

Kii dul pwonyere kame man olubo, wan osiaunu be egolo me tuco ejiri en me kello jo inywak kede Rubanga tetekeyn gin kidok josiao. Nan do oyamunu ikom epone kame jo doko kede josiao.

LENO TAM IEKODET KATIDI

Icorakin but Ngapwony: Som peny gi di dwani tie malo dodiioto momot. Mi kare but jo pi gin ngingico kuogi apirgi kame di yin itie somo gi.

- Ngai en kabin ogeo Waco nin kop ikom Yesu? Etimere awene? Benyo, yin bin iko bino but Yesu iesawa kame iwinyo kede kop ikome tien me agege, arabo bin iwinyo kop tien atotatota?
- Ngai en bin oko lego kedi me gamo Yesu? Do etimere benyo?
- Kame di bin yin idongo ipaco me a Kurisitayo, benyo, ikaruno yutuno kare nono arabo epone kame etimere kede kakame yin itie mooko kede tamni me keto yeini ikom Rubanga bala gikame pire tek twtatwal ikuoni? Nyo en oko timere?

MINO ADWOKINI

Icorakin but Ngapwony: Pi mino adwokini, pepenyo jo pi minogi rieno cing gi kame di yin itie pepenyo peny gi.

- Alu ikomu en kabin odongo idiakale me Ikurisitayon?
- Alu ikomu en kame bin owinyo kop kamako Yesu kibu dano apat kede dano me pacogi?
- Alu ikomu en kame bin odoko jokurisitayo icen ngei winyo kop ikom Rubanga tien me acel kenekene?
- Alu ikomu en kame bin ongeo Ikurisitayon mogo imwakini okato cen di pwodi likame gin kimio kuogi but Rubanga?
- Alu ikomu en kame bin obeo ikuo atek tetekeyn wek gin kiniang be Rwot mitere me kello alokaloka ikom kuogi?
- Alu ikomu en kame pwodi paka nan tie mito niang kope atot kamako dooko Akurisitayo icen ngei tieko yamo ilega me ngadubo?

JUJUNGO KOPE

Jo atot likame doko josiao ka Yesu di beo kii riamakin kede kop kame olwongo be "Jiri". Manoni obedo kop me ateni paka iton but jo kodongo idiakale me Ikurisitayon. Rubanga tio kede iponeso me jamini apapat me kello jo bute.

Tuco Ejiri cal kede Pur

LENO TAM IEKODET KADWONG

Kie itabu ni, omitunu oot poro tuco ejiri kede anapeta me pur. Yesu otio kede anen me pur katotatota di etie yamo ikop kamako cuny. (Nyige kede okuto - Matayo 7:16-20; epigi - Yokana 15:1-8; doi kede kodi - Matayo 13:24-29; cuno kodi - Mark 4:1-9; kede kwanyo cam kii poto - Matayo 9:37, Luke 10:2.)

Som Matayo 9:35-38.


- Ngai en Rwot me kac? (*Rubanga*)
- Alu en jokac? (*wan en obedo jokac*)
- Nyo en obedo kac? (*jo kame tie ngeno Yesu, josiao kame tie mede ikom josiao kame lem tie cuto*)

Okarunu tamo be jo dedede kalikoyei obedo poto ka Rubangae, do wan en obedo jotit Meege. **Tuco ejiri cal kede pur.kac en obedo josiao kame kello anyakini.** Kii kitabu ni dedede, omitunu pwonyere kop kamako tuco ejiri dodi oparunu kop ikom pur.

- Kii pur, nyo en kame jotit miero timi pi udo kac kadwong? (*kipore iiko lobo, pito kodi, bwobwongo pii, doono poto, gwooko cam apura kame pwodi ilidio, kano kac*)
- Benyo, anapeta ni ooto momot twatwali, arabo elaro ot awaka awaka? (*eoto momot*)


LENO TAM IEKODET KADWONG

Icorakin but Ngapwony: Ket *'Kads kanyuto anapeta me tuco jiri idier ot piny. Mi jokame tie isoma go ket gi iianapeta. Di iko soomo wikop kame tie iedoket acel acel, (kame owandiko kede inyukutan acol) di iko mino itatam acecek ikom kop kamako edoket acel acel.*




Temuno [iiko] lobo

Mino cuny jo bedo nepunepu ikom
Rubanga



Pito kodere

Nywako ejiri



Daro tuigi

Daro epone kame Rubanga omi to
tic kede



Tui kanyen

Lwongo jo pi bino lubo Yesu;
kakimoko tam gi me lube, udo gin
kibedo kodi anyen otui



Gwoko cam kotui anyen

Konyo jo koyei ayea dongo



Anyakini

Josiao nyuto anyakini

Tuco ejiri likame idoketa me anapeta mege tie di idelelei kakaler. Bala nat, jo twero winyo ejiri kamako Yesu cengemogo, dodi cengemogo cuny gi ko dong di nwang. Aso mano en obedo edoket kapire tek kame konyo wa tamu epone me tuco ejiri.

LENO TAM IEKODET KADWONG

Otiunu kede tam gi ber ikom itatam me ateni kamako tuco ejiri. Di yin itie winyo itatam ni, tamakino paparo epone kame adulion me itatam ni karuno riamakin kede edoket acel acel.

Ling

Ling odongo ipaco me dano me Buda. Kakame en bin eko donyo kede iyunibasiti, culo sukulu pis oko bedo me auta bute. Jodiakal gi oudo likame tie kede abar. En do eko donyo bedo kede par ikuo mere didik pi kop kamako sente kede do kwina be eyaro karuno meede kede sukulu arabo li manoni oko tuno iruom kame likame do etwero nino kede iwor. En bin etamakino kede teko dedede pi udo nino aber do likame eko karuno nino Atwal atwala. Ceng moro acel, en eko riamakin kede ekodet me Ikurisitayon kacungo me motukan. Oudo gin kitie gweno mupira. Gin kiko bin lwonge pi donyo ituko di icen mere gin kiko oot kede ooko pi mato eranggi. Me ajikini mere, gin kiko nywako ejiri kede Ling di kiko mine Baibuli. Do cuny Ling oudo likame pwodi owinyo pi dooko Akurisitayo. Ingei mago, ceng moro acel, di en etie buto di etie parere dinino likiwange, eko udo tam me geno somo Baibuli. Icen ngei en soomo Baibuli pi kare moro, en eko winyo anapakin di tie ikuo mere, dido eko karuno nino pi iwor no dedede. Eko do bedo medere kede somo Baibuli buli iwor acel acel tetekeny wek edony nino. Jowote kame en oudo egweo kedegi muipira oko yai kii bomba tenge dodi kinyute but Ikurisitayon icegun. Ikurisitayon gi da oko dooko jowote. Gin kiko bedo dwodwoko ne peny meege kame bin epenyo ikom Rubanga. Ingei dwete katot atota dido en etieko soomo itabun me ejiri go ongwon, Ling do oko yei mino kuo mere but Kurisito bala Ngalak mere. Jowote anyen gi oko pwonye iye pone me ilega, keto gen, kede lubo Yesu kii adulo dedede me kuo mere. Ling oko Waco ne jodiakal gi kop kamako Yesu. Jodiakal gi cunyi likame oko bedo yom ikom tam kame en eyero nono, do gin kiko yei ne en pi medere kede bedo Akurisitayo—iagege mere. Toto me Ling diko too, jodiakal gi diko tamu be en eyaro woro toto mere kotoo ca kii ceng me aika. Manono en obedo itok me jo Buda. Ling bin otieko ngeno be en epore woro Rubanga kenekene, aso en eko bin dagi woro toto mere kiabila mere. Pi tam mere kame en emoko ca, papa mere kede imiegu meege oko dage. Akadidi kop no okello iturur icuny Ling, en eko medere kede lubo Yesu kede genere. Dokon en emedere kede nyuto amara mere ne jodiakal megge. Ingei mwakini mogo, dido gin kineno mire ka Ling pi woro papa gi kede gwoke, jodiakal gi oko yei dokon game. Nywak gi dido oko geno arucakin, do jodiakal kaling gini oudo pwodi likame tie Mito lubo Yesu. Do Ling pwodi tie lego pirgi?

- Epone mene en kame Ikurisitayon bin oko ‘iiko kede lobo’? Nyo en kame bin gin kiko timo dipwodi likame kiwaco ne Ling kop kamako Yesu? *(kituko kede mupira, kitero kare kede en)*
- Dul mene kieitatam en kame yamo kop ikom ‘pito kodi’? *(kakame gin kinywako kede en ejiri dikiko mine Baibuli)*
- Etero kare karom amene ne Ling pi dooko Akurisitayo? *(dwete katotatota)*
- Nyo en kame Rubanga bin otimo kakame Ikurisitayon tie daro kede tui me kodi? Peko nyo en komio Ling osomo Baibuli? *(likame oudo ekaruno nino, par kamako sente)*
- Dul me itatam mene en kame nyuto ‘kodi apwodi otui atua’? *(kakame Ling ogamo kede Kurisito agama)*
- Ngai en ogwoko ‘kodi kotui atua’? *(ekodet me are me Ikurisitayon)* Gin bin kitimo nyo me gwoko kodi kotui atua ca? *(gin kinyuto ne epone me lubo Yesu kii adulion me kuo mere dedede)*
- Anyakini nyo en kame Ling bin oko nyuto?
 - *Esomo Baibuli, oko bin teteo en pi doko ngasiao*
 - *Enywako ejiri kede jodiakal gi*
 - *Edagi woro ngatamoro ace kwanyo Rubanga kenekene*

- *Enyuto amara icen ngei bedo ngat kame kodagi*
- *Eworo dokon eko gwoko papa mere*

Ling opwonyere maro kede geeno Ikurisitayon mogo. Rubanga otio kede jogi me ‘pito kodi’ me ejiri. Rubanga otio kede pekini ka Ling pi konyo Ling ngeno be ngalak tie mitere ne. Ling oko mino kuo mere but Yesu iye sawa ikokome. Ikurisitayon icegun ka oko konye medere kede dongo tetekenye ekel anyakini me poore kede me amara.

NGICERE APIRI

- Tam berkong kop ikom dano moro acel arabo jo are kii kuo ni kame likame pwodi ongeio Yesu.
- Edoket mene en kame ngat acel acel ikom gi otuno iye? (Benyo, gin kitie kede cuny kanwangi? Benyo, tam gi tie ikom jamini kamako cuny? Benyo, cuny gi winyo mit ikom ngalak? Benyo, gin kitieko winyo be ngai en obedo Yesu? Benyo, gin kingeo nyo en kame doko Ngakurisitayo obedo?)
- Kwai Rubanga mi ingei nyo en kame En emitu niin timo me temuno lobo arabo me pito kodi.

MINO ADWOKINI

Icorakin but Ngapwony: Lwong jo pi bino nywak kame di gin kimito.

Rubanga Mio Jamini Dongo

LENO TAM IEKODET KADWONG

Ngic dokon Matayo 28:19-20.

- Nyo en kame Yesu yamo kii ajikini me Oor Kadwong? (*Ango atie kedewu didik*)
- Benyo, wan otiunu timo tic me tuco ejiri ni kenwa? (*Li. Yesu tie kede wa.*)

Yesu ociko pi bedo tie kede wa, bed bala likame okarununu neene. Rubanga ikokome en kame tie tic ipoto mere kede wa, bed bala likame wan okarununu neene.

Som Jokorinti Me 1, 3:6

- Kame yin ipito kodi, benyo, ibino dinogi dongo teteki? (*Ii*)
- Ngai en kame mio cam apura dongo? (*Rubanga*)

Tic wan bala jotuc ejiri en me bedo jotuc ipoto, do wan likame okaruno mino jamini dongo. Rubanga en kame mio kuo anyen dongo. Mane en obedo rwonge kabere! Kur wan oparunu pi timo gi dedede kiber odocon.

Kope Kajiko

Tuco ejiri likame gere kede yamone dano kop ikom Yesu. Likame ejik iye sawa kame dano yamo kede ilega me ngadubo. Ekalamo kano itek twatwal. Tuco ejiri en obedo anapeta dedede kamako kello jo inywak kede Rubanga tetekenye kidok josiao. Bala tic me pur, eda eoto kii anapeta me momot. Rubanga tio kede wan me temuno lobo kame tie ikuo me jo. En etio kede wa me pito kodi me ejiri ikuo me jo. En etio kede wa me gwoko kodere anyen kotui kame di gin kitie dongo pi kello anyakini.

- Terunu kare di itieunu pwono Rubanga pi jo kede jame kame timere ikuo wu kame konyowu bino Bute.

Dul Pwonyere me 4: Kuo Nin Apiri

Konyo Temuno Lobo

Tam Ka pir gi tek

Epone kame yin ibedo kede bala Akurisitayo karuno mino jo mit me winyo ejiri. Itetucel, ekaruno da dokon mino gi ngec arac ikom Rubanga me Ikurisitayon. Wan oporenu cwenon nywak kede jokame likame obedo jokurisito teteken y gida kinen apokapoka kame tie ikuo wa.

Jame Me Tic

- Kad kame nyuto anapeta me tuco ejiri: Temuno lobo

Nyuto Pwony

LENO TAM IEKODET KADWONG

- Benyo, ngapur aber mere karuno cuno kodi mere ilobo kalikame kotemuno? Pinyobo eebo arabo li?
- Nyo en obedo gime agege kame ngapur omito timo?
- Benyo, tie gimoro ace kame gin kimaro timo kame di pwodi likame kipito kodere?
- Kame di kodere kopito ikom lobo alikame kotemuno, nyo en kame timere?

Icorakin but Ngapwony: *nyut kad me Anapeta me tuco Ejiri: Me Temuno lobo!*

- Temuno lobo me pito kodi cal kede temuno cuny jo pi winyo ejiri.

Bala kame ngapur temuno kede lobo dipwodi likame epito kodere, Rubanga da tio kede wan pi temuno cuny jo pi winyo ejiri. En etimo kamano kiyyote adek: (1) kii kuo wa me buli ceng, (2) caden wa, kede (3) ilega wa. Tin wan omitunu ot neno kop me agege mere—kuo wa me buliceng.

Kuowa Me Buliceng Cweo Pato

LENO TAM IEKODET KADWONG

Kakame kanisa ocwere kede, awakawaka di jo kalikame oyei neno be jo me Kanisa papat. Itabu me Tice yamo ikom kuo me Kanisa me agege.

Som Tice 2:42-47.

- Nyo en kame bin Ikurisitayon gi tie timo iye pone apat kede me jo ace koluko gi? (*gime isuur kede gianena, kinywako gi dedede, kimio but jo kame tie kede rem, yom cuny oudo tie negin dedede*)
- Benyo, gigi oudo timere kii ilega me ceng Sabiti kenekene arabo kitimere ikuo me jo me buli ceng? (*ikuo me buli ceng*)
- Epone mene en kame bin jo koluko gi owinyo kede ikom Ikurisitayon? (*gin kipong kede “wur”*, *kimielao Ikurisitayon*)
- Adwokini nyo en kame bin oko bedo tie pi epone kame Ikurisitayon bin tie bedo kede? (*jo atot oko bino me lakare*)

Wan otiekunu siao epone kame nyuto tice me Amara but jo me adulion wa pire tek kede. Epone kame wan otimunu kede jamno ikuowa me buli ceng da dokon pire ten twatwal.

Tice ka Matayo Waco ne Jo kop ikom Yesu

Matayo otio isukulu me sinia. Toto me idue kede jopwonye oudo obedo Isilamun kede Indu. Alubere kede iswil me piny gi, bin likame koyei ne Matayo yamo kop kamako yei me ekuristayone mere ika tic. Matayo diko woro iswil di likame eko tatamo ne ngatamoro kop ikom Yesu. Do akadi di bed bala kamano, en bin eko bedo kede jo iepone kabere. En oudo ebodo dano me ateni dokon oudo etimo tic atek. Yom cuny oudo tie ne, akadi iton ijamini katek. En oudo etamakino bedo muremure di etingo cuny icegun. Jotic wad gi oko geno bino but Matayo ikare kame gin kiriamakin kede pekini. Gin kingeo be en oudo ewinyo kop gi kede amara di eko mino gi tam kariyek. Ceng moro acel, atin kasomo kame obedo Isilamu oko bino but Matayo di eko wacone be, 'Ango angeo be yin ibedo Akurisitayo pien aneno yin ipapat'.

- Epone mene en kame yin itamo kede be atin kasomo no onge kede be Matayo obedo Akurisitayo?

LENO TAM IEKODET KATIDI

Icorakin but Ngapwony: *Mi peny di iko wandiko adulion. Ti kede gianyuta kidelelei (iwandik kocungo angetanget) bala kame mitere kede kakame jo tie kede iya uta me mono tam.*

- Epone mene en kame Akurisitayo pore timo kede kii adulion me kope gi?
 - Ika tic (*Nyo en kame Matayo otimo kame cacal kede Yesu? Yote mege ace en kame ngatic karuno timo kede di cal kede Yesu?*)
 - Kipaco (*Yutununu gikame osiaunu kamako apelakinet ka Rubanga ikom nyom kede diakal.*)
 - Ki sukulu (*Epone mene en kame yin ikaruno nyuto kede amara but idue me kilas kame yin isomo iye? Ne ngapwony Ni? But idue katino?*)
 - Iye katale (*Benyo, Yesu oudo koto mio jo culo giakalamo kame mitere? Koto eculo wel apiny kalikame mitere? Koto ekwalo gi?*)
 - Kii poto kapur (*wan oporenu gwoko giacwea ka Rubanga benyo? Timo kony but icegun? Tam wa pore bedo benyo ikom kop kamako tic atek?*)

MINO ADWOKINI KEDE JUJUNGO KOPE

Ikurisitayon pore bedo iepone kapat kede jo ace. Wan oporenu bedo jo kame cunyi yom di opoko but jo kede nyuto amara but icegun. Wan oporenu kede genere kede mwolere. Kame otimunu kamano, jo ace omito bedo kede emit me bino but Kurisito kede mito ngeno kop atot kamake.

LENO TAM IEKODET KADWONG

Caden ke Elam

Di angu oudo awobi kii piny me Kongo, abedo winyo ejiri tien katot atota. Isawan mogo oudo awinyo kikut joaoto iyongayo arabo kikut jo kame pwonyo kop ikom Yesu kii bas kame angu atie oot kede. Ako ngeno be angu oudo atie ngatim dub, do kame atamo kop ikom jamini mogo kame angu oudo atie timo, awaco icunya kena be, 'Li, bedo Akurisitayo likame pore mina ngo weko gigi'. Kakame angu bin atie kede isukulu me sinia, ako riamakin kede awobi kame oudo pat kede jo ace. Epone kame en oudo atie bedo kede owao tam na paka tuno iruom kame cunya oko mito doko ngawote. Ako udo be kara en oudo ebodo Akurisitayo. Epone kame en oudo etimo kede jame owao kuona paka angu neno be apore doko cal kede. Do oudo likame atie mito jalakino mit kareco, do epone kame ngawota oudo timo kede jame kede epone kame oudo eyamo kede kii sukulu owao cunya paka angu moko tamna me mino Yesu bedo Rwot me kuo na.

- Pinyobo en komio Elam oudo mito dooko Akurisitayo? (*en oudo emito dooko cal kede ngawote kame oudo obedo Akurisitayo*)
- Benyo, kame di wan likame otie tamakino winyo dwan Rubanga kii adulion dedede me kuowa, jo omito winyo cuny me bino but Kurisito? (*li*)

Bala Elam, jo ace da oyaro mito bino but Kurisito diki tieko neeno tic mere ikuowa. Do kame ngatamoro tie tuco ejiri kame mako Yesu dodi buli dano ngeo be en ebedo ngat katidilo iduwe mege arabo ebedo ngakwal jo kii cat me atale, jo omito Waco be, 'edini no apokapoka moro likiye kede merwa. Ikuristayon da calacala kede jo atatai go'. Epone kame wan obedo kede me buli ceng tie gikapire tek kii kop kamako ijurawa. En ebedo dul me anapeta kame konyowa tuco ejiri.

Gero Nywakwa kede Jo kalikame obedo Ikurisitayon

Icorakin but Ngapwny: Som itatam kalubo gi.

Konyo Malaya

Kii adul acel, nyako moro oudo tie iye obedo atin kic. Ud moro da oudo line, diru me timo tic da line, dokon jonywal kame mie tam da oudo li. Nyakoni diko dooko Malaya pi udo epone me kuo. Di do eromo mwaka 22, nyako ni diko yac. Bed bala en bin ebedo iadul pi kare me kuo mere dedede, jo me adul likame oko pare. Bin oudo jodiakal gi da likame tie pi gwoke ikare kame nywal do otuno ne kede. Eli kede dano moro kame konye kede mukeru arabo pwonye gime atima. Do mon me Kanisa oko gwooko Malaya ni ikare kame bin pwodi oudo etie kede idwaliro pi nywal. Kakame do en eko kello kede mukeru mere ipaco, gin kineno be ecae kede cam obedo tiene. Gin kikonye kede lwoko igoen kede temuno ne ot. Jokio meege oko bedo kede ur atek. Diki yamo ken gi ken gi be, "Neningo nyakono obedo Malaya! Pinyobo en komio Mon me kanisa go tie timone gigi dedede? Pinyobo en komio gin kitie yamo kede?" Do Mon me kanisa diko niango gi Kaman, "En kocwee ical ka Rubanga. Pire tek twatwal ne Rubanga". Di jome calo oko Waco be, "Epone kame kanisa tie neene kede pat kede epone kame wan onene kede. Wan ocae di otamo be," Rubanga likame ngee pien ebedo Malaya, do kanisa nyuto ne amara". Gin do kiko Mino Rubanga deyo. Nyako nono da ikome oko bedo kede mwolere atek pi amara kame kanisa onyuto ne, do pwodi oudo etek negi yei be nyakono tie gime wel adwong kibut Rubanga. Kakame nyakono oko riamakin kede Akwat, eko Waco be, 'Akwat, ango angeo be abedo ngadubo, do mukeru nani li kede rac Moro'. Omio ango akwai ileg ne mukeru nani'. Ngakwat diko lego ne mukeru mere di eko cako nyinge be, 'Rubanga Cungo'.

Akurisitayo Adako Oriamakin kede Jokio Meege

Idul Moro acel bin tie iye Isilamun kede Ikurisitayon. Ikodeta kapapat gi bin likame singo yamo kede icegun gi. Iceng Moro acel kame piny oudo liet kede itek, Akurisitayo adako ni diko giparo be dako me Isilamuni tie bedo iceng aliet kede idue meege. Dako ni diko cungo di eko yamo kede diakal me Isilamu adako ni. En eko ngeno be bin kogoo gi ooko me ot. En di eko lwongo gi be koto kibin kikwei komgi iode, do gin kiko daagi. Aso en eko oot paco di eko dwogo kede pii angic. En dokon eko nyogao lwongo gi ipaco mere. Dido diakal ca oko yei bino bedo kede paka cwar Isilamu adako ca diko dwogo diko tero gi paco. Icen ngei mano, Mon are gi do oko geno bedo karacel tuputupu. Idue gida do oko donyo tuko karacel, gida do kiko donyo cam karacel.

LENO TAM IEKODET KATIDI

- Kieitatam me agege, benyo, bin Mon me kanisa gi otimo giaber me gero nywak kede Malaya ca? Pinyobo ebo arabo li?
- Kieitatam me are, benyo, bin Akurisitayo adako ca otimo gika ber me gero nywak kede dako me Isilamu ca? Do kop kamako en yei ne idue mege tuko kede idue me IsilamuIn ca kono?
- Par nyo atek kame Ikurisitayon pore bedo kede ikom kop kamako gero nywak kede jokalikame obedo Ikurisitayon?

MINO ADWOKINI

LENO TAM IEKODET KADWONG

Som itienge kalubere gi kame mako epone kame bin Yesu ogero kede nywak kede jo kalikame oyei.

Som Yokana 4:4-18

- Joadi en kame bin Yesu tie tuco negi ejiri kidul giasoma ni? *(ngatacel)*
- Benyo, bin dakoni obino pi mono Yesu? *(li)*
- Ngai en koge yamo? *(Yesu)*
- Pinyobo en komio dakoni oko bedo kede ur kakame Yesu oyamo kede? *(pien en oudo ebedo nga Samaria kede dokon dako)*

Som Matayo 11:19

- Alugini en kame bin obedo' jowot' Yesu? *(jodubo kede jorar esolo)*
- En bin etimo benyo kede jowote gi? *(En bin ecamo di eko mato kedegi)*
- Benyo, itamunu be en bin ebedo abeda itempulo di eko donyo daro jogi pi bino ude? *(li, miero di en eoto but gi)*

Yesu ooto but jodubo, eko yamo kedegi, ecamo kedegi. En bin etimo kamano di likame eparo ruom gi. Egero awotin kede gi, akadi bed bala jo oko bedo kede ur iye.

LENO TAM IEKODET KATIDI

- Tam ber Kong pitien kop komio Ikurisitayon likame pore onyaro kede mako awotin kede jo kalikame obedo Ikurisitayon. Yesu oudo koto otimo benyo ki ekode me kope kacal kamano?
- Nyo en kame kanisawa karuno timo pi cweno nywak kede jo kalikame oyei? Nyo en kame dano acel acel karuno timo apire?

MINO ADWOKINI

LENO TAM IEKODET KADWONG

- Yerunu gimoro kame ikarununu timo bala kanisa pi gero nywak kede jo kalikame oyei kii adul wu.

Kope Kajiko

Kame diwan owinyo dwan Rubanga kii adulion dedede me kuowa, jomogo oyaro Mito ngeno Yesu. Do kame wada obedunu bala ekite kame jo ace me lobo tie bedo kede, likame omitunu karuno kello jo but Rubanga. Jo Mito neno pato kame Yesu oketo iiwa di pwodi likame gin kiwinyo kopewa arabo Rwonge Aber. Jo ka likoyei likomito ngeno

epone kame wan otie bedo kede tuno di wan ber Kong ogeo ngeno gi. Oporenu gero nywak kede gi, bala kame Yesu otimo kede.

INGINGIC APIRI

- Peny Rubanga eliling kame di tie gimoro kame imito ne loko ikuoni tetekeny itwer mine woro iadulion me kuoni dedede. Ter dakika acel me winyo dwan Tipo Kacil.
- Peny Rubanga kame di tie gimoro kame yin ipore timo pi geno gero nywak kede jo kalikame obedo Ikurisitayon. Ter dakika acel me winyo tetekeny inen kame etie mini tam moro.

Dul Pwonyere Me 5: Caden Nin Konyo kede Temuno/iiko Lobo

Tam Ka pir gi Tek

Kame di yin ikapakin me nywako ejiri, Rubanga karuno tic kede caden nin pi mino ngatamoro mit me winyo ejiri.

Jame me Tic

- Kads kamako anapeta me Tuco Ejiri: Temuno lobo kede Kodi Atui anyen
- Gimoro kame kotwero wuco kede kaparo (bala nat papula koyeyecun)

Gikame ngapwony Pore Ngeno: Kapakin me nywako caden nin.

Nyuto Pwony

LENO TAM IEKODET KADWONG

Ongingicunu gikame otiekunu siao pi dakikan kanonok.

- Atuc jiri en ngai? (*ngat koyei acel acel*)
- Egolo me tuco ejiri en nyo? (*kello jo inywak kede Rubanga tetekeny kidok josiao*)
- Benyo, tuco ejiri obedo tic kame kotimo icel kenekene, arabo ebedo anapeta kame tero kare abor? (*anapeta kabor*)

Icorakin but Ngapwony: *Kad kanyuto Anapeta me Tuco Ejiri: Temuno Lobo*

- Nyo en obedo gime agege kame wan osiaunu be Rubanga karuno tic kede wan iye me temuno lobo me cuny jo? (*kuowa me buli ceng kede nywakwa*)

Kakame jo neno kede be Ikurisitayon pat kede gi, mogo ikom gi kuogi oyaro wanogi but wa. Cunygi oyaro Mito ngeno nyo en kamio wan opapat kedegi.

- Benyo, tie ngatamoro kotieko penyin tien kop nyo en komio wun ipapatunu?
- Peny gi no mio cunyi winyo benyo?
- Yin iko gamo peny gino benyo? Yin bin iko Waco kop nyo?

Akapakin Me Nywako

TIC IEKODET KADWONG

Icorakin but Ngapwony: *Lwong nying ngatamoro kii kilas kanono. Lwom gimoro (bala nat papula koyeyecun) idiere gi di iwaco be, 'kaparunu!'*

- Kame gin kiko kaparo, wac be, 'Oo, kara oudo ikapakinunu!'
- Kame likame gin kitwero kaparo, wac negi be, 'Oo, kara oudo likame ikapakinunu!'

Som Petero me 1 3:15

- Itieng ni cikakino nyo? (*wor Kurisito; kapakin pi mino adwok me peny moroni dedede*)

LENO TAM IEKODET KADWONG

Tien kop nyo En komio Cunyi Yom itek?

Joy obedo ilat kede ngakio mere tien atot twatwal ii sabiti acel, Van, Van kame bin likame obedo Akurisitayo. Ceng Moro acel, Joy oudo tie camo cam me odikino kii kacato cam katidi kiyapi kede paco mere. Van oko bino diko bedo piny. Joy diko mote kede yomcuny. Van diko Waco be, 'Joy, pinyobo en komio yin cunyi yom iye esawa dedede?' Joy oko bedo kede ur ikom peny kame kopenye kede. En bin oudo ebedo lego pi Van, do bin likame eko bedo kede tam Moro me yikere me dwoko peny kame di amotoko Van bino penye kede ikom tien kop kame mie en epat kede jo ace. En oudo ekwiya gime ayama. Lebe diko momoko iye sawa me dwoko peny. 'Oo, ango aparo be pi kite kame Rubanga marango kede'. Dido ceng no tie oot itiek, Joy diko geno yikere me Mino adwokini aber akalamo ikom peny kame bin kopenye kede no.

Yin ikaruno bedo kede ngec be Rubanga omito mini kare me nywako caden ni kame di yin ikapakin me timo kamanono. Cengemogo yin likame ikaruno winyo di ngatamoro tie waconi be, 'Gen kame yin itie kede no en nyo?' Do cengemogo gin kitwero Waco be?

- 'Pinyobo en komio yin cunyi yom esawa dedede?'
- 'Pinyobo komio yin likame ikaruno oot but emuron ajwok? Benyo, yin likame ilworo tipere?'
- 'Epone mene en komio idue Nin tie kede wor?'
- 'Ango akaruno yamo be yin ibedo Akurisitayo. Nyo en komio yin ipapat?'

Tien Kop komio yin Itie kede Gen

LENO TAM IEKODET KADWONG

Kakame dano Moro tie miito ngeno tien kop komio yin ipat, mano en obedo esawa apire tek me yin nywako cadennin. Cadennin obedo itatam nin kamako epone kame Yesu omii kede kuo kanyen. Yin itie tatamo tien kop komio yin ipat ne danono di imie ngeno be kakono di Yesu li ikuoni koto pato Moro linin. Winy itatam kame wok kieitabu ka Yokana 9.

Som Yokana 9:6-12

- Benyo, oudo emuduk ni oikere me nywako gikame Yesu otimo ne kede ngatamoro kame openye? (*eebo*)
- Nyo en kame bin emuduk no oko yamo be Yesu otimo ne? (*Ango oudo wanga otoo, nan do aneno piny.*)

'Ango oudo atie emuduk. Nan do aneno piny', en obedo caden me emuduk.

Som Tice 26:9-16

- Paulo bin oudo cal nadi di oudo pwodi likame eriamakin kede Yesu? (*tidilo Ikurisitayon*)
- Epone mene en kame Paulo oko bedo pat kede icen ngei Yesu looko kuo mere? (*egeu yamone jo kop ikom Yesu*)

'Ango atidilo Ikurisitayon, do Yesu oko cima bala ngatic kede mujura' en obedo caden ka Paulo.

Som Tice 3:6-10

- Nyo en kame karuno bedo caden me kicuo kame bin oko cango? (*Ango oudo angwalo. Nan do atwero oot.*)

Osomunu itatam kamako Ling dokon.

Ling

Ling odongo ipaco me dano me Buda. Kakame en bin eko donyo kede iyunibasiti, culo sukulu pis oko bedo me auta bute. Jodiakal gi oudo likame tie kede abar. En do eko donyo bedo kede par ikuo mere didik pi kop kamako sente kede do kwina be eyaro karuno meede kede sukulu arabo li manoni oko tuno irom kame likame do etwero nino kede iwor. En bin etamakino kede teko dedede pi udo nino aber do likame eko karuno nino Atwal atwala. Ceng mro acel, en eko riamakin kede ekodet me Ikurisitayon ipak. Oudo gin kitie gweno mupira. Gin kiko bin lwonge pi donyo ituko di icen mere gin kiko oot kede ooko pimato eranggi. Me ajikini mere, gin kiko nywako ejiri kede Ling di kiko mine Baibuli. Do cuny Ling oudo likame pwodi owinyo pi dooko ngakurisitayo. Ingei mago, ceng moro acel, di en etie buto di etie parere di nino likiwange, eko udo tam me geno somo Baibuli. Icen ngei en soomo Baibuli pi kare moro, en eko winyo anapakin di tie ikuo mere, dido eko karuno nino pi iwor no dedede. Eko do bedo medere kede somo Baibuli buli iwor acel acel tetekeyn wek edony nino. Jowote kame en oudo egweo kedegi mupira oko yai kii bomba tenge dodi kinyute but Ikurisitayon icegun. Ikurisitayon gi da oko dooko jowote. Gin kiko bedo dwodwoko ne peny meege kame bin epenyo ikom Rubanga. Ingei dwete katot atota dido en etieko soomo itabun me ejiri go ongwon, Ling do oko yei mino kuo mere but Kurisito bala Ngalak

- Peko mene en kame bin Ling oriamakin kede? *(par oudo opong icunye paka mino likame eko karuno nino)*
- Yesu oko bin looke benyo? *(somo Baibuli oko konye nino kede anapakin)*
- Caden ka Ling karuno bedo nyo? *(Ango oudo par opong ikuona paka likame oudo atwero nino, do Yesu oko mina anapakin)*

JUJUNGO KOPE

Kii cadenwa, wan oyamo ne jo epone kame kuowa pat kede pi Yesu. Caden karuno bedo ikom kop kamako epone kame Yesu oloko kede kuowa ikare kame wan olokere kede dooko Ikurisitayon, do likame do en miero ebed kamanono. Yin da dokon ikaruno yamo ikom epone kame Rubanaga okonyi me lokere ikare kiyapiyapi.

LENO TAM IEKODET KADWONG

Caden ka Joy

Di anggo udo pwodi atitidi, ayero lubo Yesu. Geno ikare nono, Yesu obedo konyango dooko dano aber odocon. Bala nat, yin ipenyo tien kop komio anggo cunya yom. Di anggo oudo pwodi atitidi, atamo be kame atimo gi dedede iepone kabere manono bino nyuto be pira tek didoko atie me wel adwong. Ako bin winyo irac twatwal kakame likame atimo kede iber isukulu, akodokon winyo iber odocon kakame atimo kede iber isukulu. Yesu oko konya niang be timo kiber isukulu arabo timo kirac likame mio anggo pira doko tek arabo konyana dooko li lono jo ace. Anggo pira tie di tek kibuten cuto. En kopno komio cunyango bedo yom. Akaruno tic kede talanta na me koonyo joace akaka tic kede me nyuto ne jo bero nango. Cunya oudo karuno bedo yom pi medo tatamo ni kop kamako Yesu kame di cunyi mito winyo.

- Peko nyo en kame Joy bin oriamo kede? *[ewinyo ieac twatwal kakame bin en etimo kede kirac isukulu]*
- *Epone mene en kame bin en eko lokere kede pi kop ka Yesu? (Yesu okonye neno be en oudo Pire tek didokon etie me wel but Yesu. Nataman do en cunya yom.)*

Caden me Ngapwony

Mi caden nini kamaki.

*Mie ebed di ececek di niang iye da yoyot tetekeyn idue asomo karuno lubo anen kibutin.
Tiek kede Waco be, 'kame di imitunu wiinyo, akaruno yamo newu kope ace kamako Yesu'.*

- Peko nyo en kame ango bin?
- Epone mene en kame ango ako lokere kede pi kop kamako yesu?

TIC KAMAKO DANO ACCEL ACCEL

Kare nida do nan ine me temuno caden nin kamaki. Epore nyuto epone kame yin nan do ipat kede pi kop ka Yesu. Tam kop ikom peny gi.

- Lworo mege arabo pekini en kame Yesu oko konyi kede? (bala nat, kop kamako yot kom, nywak, lworo, yec)
- Epone mene en kame kuoni do nan pat kede pi kop ka Yesu?

Mii dakikan 10 kame jo pore ling kede pi temuno caden gi.

TIC IEKODET KATIDI

Bedunu ieikodeta katitino me jo 2–3 di ikunu nywako caden wu kenukenu. Icen ngei caden, mi karen i me nywako kop kamako Yesu.

MINO ADWOKINI

- Iwinyo benyo kakame jo tie tatamo kede kope kamako gi?
- Iwinyo benyo kakame yin itie tatamo kede kop kamaki? Benyo, oudo etek arabo eyoyot ni pi nywako?

Kope Kajiko

Icorakin but Ngapwony: Ting cuny jo pi nywako caden gi ieikodeta gi. Mii kare butgi me nywako paka iesawa kame kilasi tiek kede. Tic me gin Mino caden gi obedo giaber.

Wan kolwongo wa pi mino jo ace da bedo kede gin kame wan otie kede. Rubanga bino Mino wa kare me nywaako gikame Yesu otimo ikuowa. Pore wan okapakinunu pi timo kamanoni.

Dul Pwonyere me 6: Lego Konyo Temuno Lobo

Tam Ka pir gi Tek

Lego obedo adul apire tek kitic me tuco ejiri. Okarununu kwano Rubanga pi Mino jo kapakin me gamo ejiri. Okarununu lego kede jo kaliko yei pi rem kame gin kitie kede, dokon okarununu lego pi wek epidigng neno newa me nyuto amara ka Rubanga kede nywako ejiri.

Jame Me Tic

- Kad kame nyuto Anapeta me Tuco ejiri: Temuno Lobo

Nyuto Pwony

LENO TAM IEKODET KADWONG

Icorakin but Ngapwony: Nyut Kad kamako anapeta me Tuco Ejiri: Temuno Lobo.

- Yongoyote are megge en kame Rubanga tiyo kede wa iye pi temuno lobo? (*kuowa me buli ceng, caden wa*)

Lego da obedo epone ace me temuno lobo me cuny jo.

LENO TAM IEKODET KATIDI

- Jo alikoyei megge en kame yin oudo ibedo lego pirgi? Otero kare aruom amene di yin itie lego pirgi?
- Epone mene en kame yin imaro lego kede pi joalikoyei? Jamini apirgi tek megge en kame yin imaro lego iye?

MINO ADWOKINI

Tin oyarunu oot neno yote adek kame wan okarununu lego kede pi jo alikoyei.

- 1) Leg tetekeny Rubanga mi gi kikapakin me gamo ejiri.
- 2) Leg kede jo alikoyei.
- 3) Leg pi ipidinga me nywako kede nyuto amara Ka Rubanga.

Leg tetekeny Rubanga Mi Jo Kapakin me Gamo Ejiri

LENO TAM IEKODET KADWONG

Yutuno be likame wan otiunu tuco ejiri kenwa. Aso mio likame okarununu diino dano moro dooko Akurisitayo tetek. Rubanga kenekene en kame karuno minogi kapakin me gamo ejiri.

Som Temeseo me 2, 2:25-26, Yokana 6:44, kede Tice 16:14

- Kieitienge gi, epone mene en kame wan okarununu lego kede pi jo kame otiunu tamakino tuno but gi? (*leg tetekeny Rubanga yab cunyi*)

Roni kede Rita

Yoyot nono icen ngei nyom ka Roni kede Rita, Rita oko geno oot ikanisa di eko dooko Akurisitayo atek. Eko nywako yei mere kede Roni, do Roni likame oudo ooto ikanisa. Iya jikini mere, Roni di oko riamo Rita. Paka yamo kede Rita da, likame oudo emitu. Rita oko medere kede lego pi Roni ceng dedede. En elego Rubanga pi mine kapakin me gamo ejiri. Ngawot gi moro acel kame lego ikanisa ka Rita gini da oko cobuno lwongo Roni pi bino camo cam me iceng. Icuoni da oko donyo yamo kede Roni kede dokon lego kede. Ingei mwakini atotatota, Roni dokon oko mako awotin kede Akurisitayo acel di bin oudo gin kitie ikilas me opwonyo kie diru me timo tic me cing. Akusitayo icuoni da diko yamo ne Roni kop kamako Yesu. Me ajikini mere, icen ngei mwakini tomon kame Roni oriamo kede Rita, Roni diko gamo ejiri. Yomcuny diko pongo kuo mere akaka bedo di cunyo onur kede par. Egeo lego ikanisa katidi dido eko rucakin kede Rita. En eko geno nywako yei mere kede jo ace paka tuno kede kare kame en eko do too kede.

- Epone mene en kame Rubanga otio kede jo me temuno lobo me cuny Roni? (*Rita olego, enywako, joace da olego, dokon kiko doko awotino*)
- Benyo, bin Rubanga oko dwoko ilega ka Rita? Benyo, bin En eko tic ikuo ka Roni? (*eebo*)
- Itamo be nyo en kame koto oudo oyaro timere ne Roni kamedu Rita, ngawote me kanisa, kede ikusitayon icegun ka da likame bin oko cobuno lego karacel kede nywako yamo kede Roni kede medo bedo awotin kede en akadi bed bala likame en oudo etie nyuto cuny me gamo ejiri? (*oudo koto likame etuno ingeno Rubanga*)
- Benyo, itie kede jo mogo kame yin ibedo nywako ejiri kede gi, arabo lego pirgi, dodi likame kiko dooko Ikurisitayon paka nani?

JUJUNGO KOPE

Kakame wan otieunu lego kede pi ngatamoro kame liko ngeo Rubanga, oporenu lego tetekenye Rubanga mi gi kikapakin me gamo ejiri. Miero wan omederenu kede ilega abongo cunywa dok cen. Kii ajikini me dul pwonyere me tini, omitunu tero are di otieunu lego pi jonogi.

Leg kede Jo Pi Rem Kame Gin Kitie Kede

LENO TAM IEKODET KADWONG

Yongayo ibecokina me temuno lobo me cuny jo en lego kedegi ikom remgi arabo pekinigi. Osomunu ber itatam are gi.

Apuserut Konyuto Anyakini

Yutuno Nagamani. Kanisa ogeo gwooke bala diakal. Gin kimie carani. Gin kiculo isoma kawode. Kakame Nagamani bin cunye odubere kede par, kanisa oko lego kede. Pi kita eneno kede be kanisa ocobuno maare kede akadi di en oudo likame ebedo Akurisitayo, Nagamani oko mino kuo mere but Yesu. En bin eko wok tenge iko dubere me cuny. Eko geno lego ikanisa. Eda eko geno Mino sente mere ikanisa me nyuto Tic me Amara. Eko pwonyo anyira me calo epone me kuno carani, tetekenye gin kitwer cungo ken gi. Dokon en eko konyo tedo cam ne apuserun ace kii kanisa. Isawan mogo da oudo emiogi iteteyin kaboco me mon me buda ngapo.

Rubanga Dwoko Ilega me Ipongai

Bala tic kame gin kimoko tamgi pi timo, ipongai are are oko geno oot dodonyo but jokio mogo. Gin oudo pwodi kiyapak, dokon totogi oubu bin pwodi likame obedo wenao kede lego kede jo aliko obedo Ikurisitayon. Kiko bedo badabada paka kwina epone me yamo kede jo karacel kede paka lego kedegi. Kiot acel, atin moro diko Waco negi

be papa mere obedo ngamat eguli. Ipongai diko lego be en miero ejik mato eguli di eko dwogo ture. Di pwodi likame gin kitieko ilega, papa me idue gi diko donyo iot di eko Waco be en emito swilaro di eko mino kuo mere but Yesu.

- Benyo, bin jo me kanisa oko oot lego PIR Nagamani kii ekodet gi me lego kakame bin cunye odubere kede par, arabo kiooto bute ipaco dikiko lego Pire IPACO MERE? (*gin kilego kede karacel*)
- Epone mene en kame ipongai oko winyo kede kop kamako lego pi jo kii cunyi? (*kibedo badabada*)
- Benyo, bin Rubanga oko dwooko ilaga gi? (*eebo*)
- Bemyo, bin gin oudo kimito kope kabeco odocon? (*li*)

Bedo badabada timere ne jo dedede kame etuno ikom kop kamakoo lego kede joaliko yei. Jamini me iyutun tie konapo piny kane:

- Lego obedo yamo kede Rubanga ikom kop kamako epone kame yin iparo kede pi dano.
- Mi legoni me cecek.
- Kur ipari arabo Rubanga oyaro dwoko ilega no arabo li. Bed kede gen be Rubanga tie winyo ilegani.

LENO TAM IEKODET KATIDI

- Benyo yida itieko mire lego pi dano kalikame obedo Akurisitayo? Agam gi oko bedo benyo?
- Nyo en kame karuno bedo bero me lego kede ngat kalikame oyei?
- Nyo en kame cengemogo twero Mino mire lego kede gi bedo tek?

MINO ADWOKINI

LENO TAM IEKODET KADWONG

Jokio ka Sara

Bin tie dako Moro ikio ka Sara kame cware oweko. Sara oko lego kede ngakio mere be Rubanga koto ocango nyom mere dokon koto oudo cware oko dwogo. Akaka kop no timere kamano, cwar dakoni oko do riame. Sara kede cware oko medere kede nyuto ne ngakiogi amara. Sara oko konyo kede gwooko idue. Cwar Sara oko konyo kede temuno ot kede jamno kame bin dakoni tie kede. Bed bala ilegagi likame okodwoko iye pone kame bin gin likame kitamo, ngakio ka Sara oudo yamo iber ikom gwok kame Sara obedo mine.

- Benyo, bin Rubanga oko dwooko ilega ka Sara iepone kame en bin emito? (*li*)
- Benyo, kakame ilega mere likame oko dwoko iepone kame en egeno kede, nyo en kame Sara kede cware oko timo? (*kimedere kede nyuto amara*)

Kame di Rubanga likame odwoko ilega kame yin ilego kede pi ngat kaliko yei, kur ipari. Gikame yin ippore timo tie kan:

- Wace gi tur me cunyi ikom jamini kame gin kitie beno iye.
- Nywak kede gi epone kame Rubanga okonyi kede beeno kakatek ikare okato cen.
- Mok gi ikom amara kame Rubanga tie kede ikom gi.
- Tim gikame yin ikaruno timo me konyogi (Rubanga OORIN bala ngacungo Mere).

JUJUNGO KOPE

legi kede jo ace tetekeyn gin gi ngei me in iparo pirkin. Enyuto negi me in ingeno Rubanga. Likame wan opore bedo kede kope kapeco odocon. okaruno ngeno me Rubanga tie tic ikuo me jo. Man tiye aneni bed bala likame en edwoko ilega wa iyeponne kame wan ongeno. Kame di en edwoko ilega, gin gi twero neno twermere!

Lego pi Epiding

LENO TAM IEKODET KADWONG

- Ngai en kame twero yutuno jamini are kame oyamunu kamako lego pi jo alikame oyei? (*leg tetekeny Rubanga migi kitemunukin pi ejiri, leg kedegi pi rem kame gin kitie kede*)

Otie kede gimoro ace kame dokon okaruno lego Pire:

Som Tice 4:23-31

- Nyo en kame joko yei lego Pire? (*tek cuny kede giawura pi nyuto teko kede deyo ka Rubanga*)

Som Jokolosai 4:2-6

- Nyo en kame bin Paulo owaco ne Ikurisitayon me Kolosai pi lego iye? (*Yabere me ekeko, epiding*)

Rubanga karuno kello newa ipidinga me nyuto amara mere kede me nywaako ejiri. En ekaruno minowa kop me ayama. En ekaruno minowa tek cuny me yamo, paka iton ikope atek. Winy itatam ni, kame cenge mogo ikaruno yutuno ieitabu me 1.

Timo Tic Me Kony But dako me Ngating kop

Kii adul acel, kanisa omoko tamgi pi tiimoTic me Amara. Gin kilego pi gime atima dikiko winyo di Rubanga tie Waco negi pi timo kony but dako me dano kame telo wi joting kop iadul. Lworo diko makogi, bala kame ngatel joting kop ni jo wore pien cunye ngawang dokon engere kitic me bungo jo pi tien kop moro agetegete. Bed bala kop oudo cal kamano, kanisa oudo mito winyo dwan Rubanga. Gin kiko daro esawa kame ngatel joting kop ni oyai kede ibomba, di gin kiko oot konyo dako mere kwanyo cam kioto kede temuno cam iber piot cato. Kakame ngatel wijo ting kop ni odwogo kede ipaco, eneno di cam apura okwanyo ipoto dedede en eko geno ilelem, “Ngai en otimo kaman?” Dako mere oudo tie lworo wacone, di etamo be cengemogo etwero kello peko, do icen mere dido en eko tuco ne be kanisa obino diko konya. Ngatel wijo ting kop ni diko onyaro ikanisa di eko geno bungo ekeko. Icen ngei lwongo dikon pi cungo kede, ngakwat diko yabo ekeko, di ngatel wi joting kop diko donyo iot. “Pinyo en komio wun itimunu kamano?” En epenyo gi. Gin kiko dwoko ne be gin oudo kitie mito nyuto amara ka Rubanga. Icuo ca diko geno koko, di ewaconegi be en geno likame tie ngata Moro konyuto nen amara ikuo mere. Gin kiko nywako kop kamako Yesu kede icuo nono. Icuo no diko dooko Akurisitayo, eloko kuo mere, di eko oot di eko looko miere kanyape ace but Kurisito kame bin tie joting kop.

- Nyo en kame bin jo koyei olego pire? (*Tic me Amara mene kame gin kipore timo*)
- Benyo, bin Rubanga oko Mino gi tek cuny? (*eebo*)
- Benyo, bin Rubanga oko Mino gi epiding me nywako ejiri? (*eebo*)

Wan oporenu lego but Rubanga pi minowa epiding iesawa kibecokina.

Kope Kajiko

Icorakin but Ngapwony: *Nyut kad kame nyuto Anapeta me Tuco Ejiri: Temuno lobo.*

Epone mene en kame Rubanga tio kedewa me konyo temuno lobo me cuny jo?

- *Kuowa ikomwa*
- *Cadenwa*
- *Ilegawa*

Yote adek megge en kame wan osiaunu me lego pi jokame likoyei?

- *Lego tetekeny Rrubanga migi kikapakin me gamo ejiri*
- *Lego kede gi pi rem kame gin kitie kede*
- *Lego pi ipidinga me nywako kede nyuto amara ka Rubanga*

LEGO IEKODET KATIDI

Pokerenu ieikodeta me jo 2-3, di ikounu tero dakikan anonok di itieunu lego pi jo kalikame oyei kame wun ingeunu. Legunu da dokon pi ngat ocelu – pi ipidinga, rieko, kede atinga cuny.

Dul Pwonyere me 7: Epiding me Pito

Tam Ka Pirgi Tek

Rubanga karuno minowa epiding me nywako ejiri kame diwan otimunu Tice me Amara kede yamo kede jo.

Jame me Tic

- Kad kanyuto anapeta me tuco ejiri: Pito Kodi
- Nyuto Tuko – Yesu kede Dako me Samaria (Kopis 2)
- Nyuto tuko – Tic Atek (kopis 2)

Nyuto Pwony

Icorakin but Ngapwony: Kiarao *kad kanyuto anapeta me Tuco Ejiri*.

Tin oyarunu oot yamo ikom pito kodi me ejiri. Rubanga omito minowa epiding me nywako ejiri. **Wan ongeunu be oteunu kede epiding me nywako ejiri kame di cuny jo mito ngeno kop atot kamako Yesu.**

LENO TAM IEKODET KATIDI

- Nyo en koge mini mit ikom Yesu?
- Benyo, pwodi iyutuno nywako yamo kame iudo ikare kame bin likame idoko kede Akurisitayo?
- Benyo, yida bin oudo itie kede peko arabo rem?

MINO ADWOKINI

LENO TAM IEKODET KADWONG

Yutuno itatam kamako tuco ejiri kame oudunu:

- Ling oudo likame karuno Nino. Eko bedo kede mit ikom Baibuli pien Baibuli oudo mie anapakin me Nino.
- Nagamani oudo likede tien kop kamie kuo icen ngei too acware. Cunye oko miito dooko Akurisitayo pien kanisa okonye bala diakal di oko cobo mit mege dedede.

Dul pwonyere ni mako kop ikom mono epiding me nywako ejiri. Manoni timere pien wan okaruno kubere kede jamini kame jo oboe iye kede kame gin kimito. Omitunu oot neno adulion are kame Rubanga karuno Minowa epiding iye:

- di ebeo kii Tice me Amara
- di ebeo kinywako yamo

Likame pwodi ogeunu nywako ejiri, do keto tamwa neno kame dijo tie kede amiton me ngeno kop kamako Yesu.

Epiding kame wok di beo kii Tice me Amara

LENO TAM IEKODET KADWONG

Diakal kame Iturur Adwong opoto iye

Diakal me jo kalikame Ikurisitayon kii piny me Segdaya, Benin, okei atin gi me mwakini ongwon. Iturur gi oudo dwong tuno iruom kame akadi di cam ocek negi ipoto likame oudo kitwero timo gimoro, do kwanyo koko. Imemban me kanisa oko yai diko oot ipoto gi, dikiko kwanyo engano, dikiko kello iot. Jodiakal ca diko bedo kede ur dokon cunyi diko mulo gi. Gin kiko penyere be, 'Pinyobo en komio wun itieunu timo kamano?' Ngakwat diko Waco negi be, 'Wan oneno giko timere newu, kede dokon wan omito nyuto newu be akadi di un ikeunu atinu, amara ka Rubanga pwodi tie kedewu. Wan omarowu. Rubanga marowu. Wan kom omito nyuto newu amara ka Rubanga kenekene'. Gin likame kilwongo jo diakal ni pi bino nywako kedegi ilega ikanisa, do ceng Sabiti alubo mere, diakal me jo 12 oko bino ikanisa. Gin kiwaco be, 'Wan otie kan pien wun ikonyunu wa kede inyutunu newa amara. Wan obino Kan pi medo pwonowu, kede dokon wan omito wooro Rubanga kame wun iworunu'.

- Nyo en kotimere kii itatam ni?
- Pinyobo en komio diakal ni mito wooro Rubanga? (*pien kanisa onyuto negi amara*)
- Benyo, yin iparo be diakal ni oudo koto ogamo ejiri iye pone no kame di koto oudo Ngakwat owaco negi kenekene be gin kipore swilaro dikiko gamo Yesu? (*Koto li. Cuny gi oudo dwong kede iturur.*)

Tice me Amara kello nejo penyere be, 'Pinyobo en komio wun itiunu timo kaman?' Okarununu nywako kede gi be gikomio wan otie konyowu en pi mito nyuto newu amara ka Rubanga.

Bed bala jokame wan otio negi likame Mito Mino kuogi but Yesu, wan pwodi opore nyuto negi amara. Manoni en obedo yongayo me winyo dwane kede me mine deyo. Akadi di tie kamano, Rubanga didik tio kede Tice me Amara pi Mino jo amiton ikom Yesu. Kame di jo tie nyuto amiton gi pi winyo kop atoti, wan do okarununu akapakin pi nywako kedegi ejiri.

Epiding kawok kii Nywako Yamo

LENO TAM IEKODET KADWONG

Rubanga dokon karuno Mino epiding wokun kii nywako yamowa me buli ceng. Iya gege, wan osomunu itatam kamako nywako yamo ka Yesu kede dako me Samaria. Kakoto di osomenu dedede, koto onenunu be Yesu kello Rubanga iesawa me nywako yamo.

Icorakin but Ngapwony: *Mi jo are som tuko kame lubo ni. {Nyuto tukononi likame Pire tek}*

Yesu kede Dako me Samaria (okwanye kii itabu ka Yokana 4:4-26)

Yesu:	Benyo, ikaruno mina pi me amata?
Dako:	Iye pone mene, kame yin eyudayat, itie penyango dako me Samaria, pii me amata?
Yesu:	Koto di oudo ingeo bero me Tipo Rubanga, kede diko ngeno ngai kame anga abedo, oudo ikaruno penya pii me amata, di koto anga ako mini pii akuo kame likame kolelo.
Dako:	Ngadwong, yin ber kong ilikede baket me twomo pi, dokon kulo ni tut itek. Epone mene en kame yin imito udo kede 'pii akuo'? Benyo yin ber ikalamo kwaruwan Yakobo, abin okunyo kulo ni? Yakobo karacel kede awobe mege bin mato pii me kulo ni, di gin kiko weko newan kulo noni.

Yesu:	Ngat acel acel kame bino mato pii ni orio dokon omite neko. Do ngatamoroni kenekene kame mato pii kame anga amio likame dokon orio omite neko—Atwal atwala. Pii kame anga amio omite lokere diko dooko wen kulo kame gugunyo ikar kede ikar di emio kuo kaperakino.
Dako:	Miango pii noni, tetekenyo orio dokon kur neka!

- Epone mene en kame Yesu ogeo kede yamo? (*kede penyo pii*)
- Benyo, en bin eko bedo yamo ikop me pii kenekene, arabo eko kello Rubanga inywako yamo ni? (*eyamo kop kamako Rubanga*)
- Nyo en kame Yesu owaco be ekaruno Mino dako no kame kalamo gikame bin dakono tie kede cuto? (*pii akuo – orio dokon likame bino neeke*)
- Benyo, bin cuny dakoni oko Mito winyo kop kame Yesu oudo tie yamo? (*eebo*)

Ngaor Paulo bin ooto ikabedo kame jo maro bedo iye kii piny me Asene pi nywako ejiri. Som Tice 17:22-23

- Nyo en kame bin Paulo tie yamo iye kakame ekello kede Rubanga? (*wooro cal jwogi*)

Som Tice 17:32-34

- Epone mene en kame bin jo oko timere kede ikom nywak ka Paulo? (*jomogo oudo tie kede mit iye do jomogo oudo dagi*)

Icorakin but Ngapwony: Mi joare som tuko (kalubo ni. (Nyuto tuko noni likame pire tek.)

Tic Atek

Simoni:	Mane obedo tic katek! Benyo, yin bin ingeo be kakame Rubanga ocweo kede piny me agege puro cam oudo yoyoti? Yamo apek oudo li amotoko abwal me pii arabo rieny me ceng atek. Adamu, kame bin obedo icuo me agege kame Rubanga ocweo, opuro lobo do oudo likame ebedo tic atek. Mano en kop kame Baibuli yamo.
Marako:	Ateteni? Pinyo bo en komio nan do edoko tek?
Simoni:	Edoko tek pi jamini areco kame wan itieunu timo. Baibuli lwongo gigonogi be dub. Rubanga owaco ne Adamu kede dako mere Keba be kur kicam anyakini me yat kitegelekina ca. do gin kiko jemo ne Rubanga di gin kiko came. Geno do ikare naca, pur dido oko dooko tic atek, do ceng moro Rubanga oyaro mino jamini dedede doko nyen. Dub omite dooko li! Oudo akaruno yamoni kope atot kame di cunyi mito winyo.

- Nyo en kame Simoni oudo tie yamo kakame ekello kede Rubanga? (*tic atek kii poto*)

Yesu, Paulo kede Simoni, jogi dedede otio kede nywako yamo me buli ceng pi geno yamo ikom Rubanga. Kitamakino Mino jo bedo kede ur ikom Rubanga. Ngatamoro ni kenekene karuno kello Rubanga ikom nywako yamo mere, likame do be ngakwat arabo ngatel kanisa amotoko ngatuc jiri. Ikano do, kame ngatamoro tie kede amiton me ngeeno kope ace, okaruno do nywako kede ejiri.

- Pekini megge me buliceng en kame jo cobuno yamoiye kii adulwu? (Bala nat: Benyo, jo tie kede

peko ikom kop kamako mino yalo ne tipere? Benyo, jo cobuno yamo pekini kede iduegi arabo kede jo nyom gi?)

Icorakin but Ngapwony: *Dar paka jo tieko kekelo wikope katot atota. Di iko penyo gi be:*

- Epone mene en kame ikarununu kello kede Rubanga kame di iteunu nywako yamo ikom kope gi?

TIC IEKODET KATITDI

Un are are, temununu tuko Moro acecek. Nyutunu di dano Moro tie kello Rubanga iye sawa kame gin kitie nywako kede wikope kame wan oleunu tam iye.

MINO ADWOKINI KEDE JUJUNGO KOPE

Mi jo komire pi nyuto tukere gi kii ekodet dedede. Mi ekodet mi adwokini kede tam kame gin kitie kede.

Kame di iyamunu kop kamako kuowa me buli ceng, kel Rubanga iye. Peny jo kame di cunyi tie kede mit me siao kope ace. Kame di cunyi Mito, ikaruno nywako kedegi ejiri.

Benyo, cunyi Mito, arabo Li?

LENO TAM IEKODET KADWONG

Rubanga mio epiding me nywako ejiri di beo kii Tice me Amara. Etwero dokon mino epiding di beo kii nywako yamowa me buli ceng. Do kare oyaro bedo tie kame cuny jo likame bino mito kede winyo kope atos. Oyamunu ikom kop kacal kamano kame di ebedo tie.

Som Tice 17:32-34 dokon.

- Nyo en kame Paulo otimo kakame etamakino kede Mino jo udo amiton me wiinyo kop kamako Rubanga? (*eyai ewekogi*)
- Benyo, en bin eko bedo tamakino wano cuny jo koudo likame tie kede mit me winye amanono? (*li*)
- Benyo, bin en eko bedo yamo kede jo kame cunyi tie kede amiton? (*eebo*)

Kame di jo cunyi likame tie mito winyo kope atos, likame wan opore dinogi. Akaka dinogi, wan okarununu: Medere kede ilega.

Medere kede timo Tice me Amara kede kello Rubanga inywako yamowa.

Medere bedo di okapakin pi nywako kede ngatamoro ni kenekene KAME cunye tie kede amiton.

Kame di cuny jo tie kede amiton me winyo kope atos, okarununu nywako kede gin ejiri. Kii dul pwonyere koyaro lubo, omitunu oot yamo ikom gime ayama.

Kope Kajiko

Isawan mogo Rubanga karuno tic kede Tice me Amara pi kello epiding me nywako ejiri. Cengemogo etwero tic kede nywako yamowa me buli ceng pi kello epiding nogi. Wan omitunu nyuto ne jo amara ka Rubanga di oko kello Rubanga ikom nywako yamo wa me buli ceng.

Kame jo nyuto mitgi diki gamo ejiri, nyutonewa be wan okaruno kwanogi kame di kimito winyo kope ace kamako Yesu. Kame di jo likame mito winyo kope ace, wan omito daro gi. Dokon wan okaruno medere kede ilega, di odaro gi, kede kello negi Rubanga kii nywako yamowa kede gi.

LENO TAM IEKODET KATIDI KEDE ILEGA

Kii ikodeta me jo 2 arabo 3, paparunu kong ber kop i kom dano moro kame yin inywako kede kame likame obedo Akurisitayo. Paparo wikop arabo peny kame i karuno penye kede teteken y ikony danono geno yamo taamo kede yamo i kom kop kamako jamini me tipo. Leg teteken y Rubanga konyi pi donyo imadala ni kede wek eyab cuny dano nono.

Dul Pwonyere me 8: Pito Kodi

Tam Ka Pir Gi Tek

Cal ongwon karuno yutuno newa pi nywako kop ikom Rubanga, dub, irabu ka Yesu, kede kuowa anyen kede genwa me Malo.

Jame Me Tic

- Kad kanyuto Anapeta me Tuco Ejiri: Pito kodi
- Kads adek kamako kop me nywak: (Kads ongwon: me cwec, me Poto, me Musalaba, me Kuo Kaperakino)

GI KITEGELEKINA KAME NGAPWONY PORE NGENO:

Dul Pwonyere ni kello ejiri jumula. Ikodeta mogo cengemogo otieko ngeno tam nogi. Gin cengemogo kikaruno siao epone me tuco ejiri ni awakawaka. Kame tam kamako Rubanga kede dub likame ojecokin kiber kie itok me turu, ipore do oot momot. Mi kare me jo pepenyo yin. Etie gikame Pire tek pi Mino idue asomo niang dul acel acel me itatam kamako ejiri. Cengemogo iyaro Mito pokopoko kopegi idul pwonyeren are kapapat.

Nyuto Pwony

LENO TAM IEKODET KADWONG

Petero oko puro poto mere kede gwokere atek. Emumuko Lela kede neko doi di eko keto bolia kibecokina. Edaro pi sabiti acel do likame tie giko tui ipoto mere.

Icorakin but Ngapwony: Kiarao *Kads kanyuto Anapeta me Tuco Ejiri: Pito kodi malo*

- Nyo en kame wi Petero owil kede timo? (*pito kodi*)

Kame likame ipito, likame iudo gime akaa. Dooko Akurisitayo cal kamano. Dano likomito geno nywak kede Rubanga di eko dooko ngasiao kwanyo kame ewinyo ejiri.

Kii dul pwonyere wa me ajikini, osiaunu be Rubanga oyaro miinowa epiding me nywako ejiri. Magonogi karuno wokun dibeo kii Tica me Amara arabo kii nywako yamowa me buli ceng. Okarununu nywako ejiri di oneno be jo tie kede amiton me wiinyo kope katot kamako Rubanga.

LENO TAM IEKODET KATIDI

- Benyo, yida geeno, itieko tamo nywako ejiri?
- KAME EEBO – Nyo en oko timere? Nywak kede jo giaber arabo arac oko timereni.
- KAME LI – Pinyobo komio li? Nyobo en kamio etek nein nywako ejiri?

MINO ADWOKINI

LENO TAM IEKODET KADWONG


Isawan mogo wan omitunu nywako ejiri, do etek newa me ngeno kame di otatamo kop kamako ejiri nono iepone kabere. Arabo likame otieunu kede ngec aber ikom kop me ayama.

Icorakin but Ngapwony: Wot **kads ongwon kanyuto iponeso me Nywak Adek** ket gi kakame kilasi karuno neno gi kiye.

Dul pwonyere me agege me TCT yamo kop kamako nywak adek kame Yesu obino pi rucakino. Cal gi omito yutuno newa gikame oporenu nywako kede jo iye sawa kame otieunu kede pito kodi me ejiri.

Giacwea

Icorakin but Ngapwony: Nyut **CAL AGOA** Cal me 1: Cwec. Itatam ni wok kie kitabu me Agege 1-2. Ikaruno soomo itatam kame kojujungo kame tie piny me kopni arabo isome kii Baibuli ikokome.




Jo Mito ngeno ngai en obedo Rubanga. Gei kede tatamo nejo kop kamako cwec. Yam kop kamako itatam me cwec, kede dwong kop mere butwa.

ITATAM: Rubanga ocweo piny kede gi dedede kame tie iye. Gi dedede kame En ecweo oudo ber odocon. Rubanga ocweo poto acil nejo me agege, Adamu kede Keba, pi bedo iye. Iye agege, Rubanga gini kede Adamu oudo ooto di kiyamo karacel kii poto. Adamu kede Keba bin obedo kede winyere aber idiere diere gi. Piny kame Rubanga ocweo bin omio Adamu kede Keba gi dedede kame cunyi Mito.

DWONG NERE BUTWA: Rubanga likame cal kede tipere ace. En etek twatwal di epugo jamini dedede. Gi dedede me piny obedo meege piento En kame ecweogi. Rubanga ber. Likame etimo gikarac. Rubanga opelauno Mito ne dano bedo kede bedo kede nywak aber kede En, kede jo icegun, kede dokon piny da.

Poto

Icorakin but Ngapwony: Nyut **CAL AGOA** Cal me 2: Poto. Itatam noni wok iekitabu me Agege 3, Agege 12, kede Yai.



Jo Mito ngeno nyo en obedo dub. Tatamo negi kop kamako poto. Yam kop ikom itatam no, kede dwong kop kame enyuto newa.

ITATAM: Rubanga oyamo ne Adamu kede Keba likame pi camo epone me anyakini Moro kii poto. Adamu kede Keba oko jemo ne Rubanga. Jemo ne Rubanga, kede timo gikareco, olwongo be dub. Manoni oko Mino raco diko wokun ipiny. Kakame Rubanga oko bino kede ipoto, Adamu oko pwono ne Rubanga. Adamu kede Keba okodo geno piem kede ngat ocelu. Geno do ikare no, Jo oko geno yii ken gi ken gi. Puro lobo oko dooko do tek. Jo miero do tim tic atek me kuo. Adwokini me dub oko do bedo tur me nywak dido ajikini mere oko bedo alola me too.


Mit ka Rubanga en me dwooko gika ngoce otur di beo kii dub. Rubanga omio iswliaka kame nyuto tam kabeco kamako adulion dedede me kuowa, do likame tie ngatamoro kame bin oko karuno lubo timo iswliaka go odocon. Gin kiko tamakino culo wel pi kop me dub gi do likame wel kame kiculo nogo oko romo.

DWONG MERE BUTWA: Jo dedede, bed bala wan okwiaunu Rubanga, pore ongeunu be tie jamini kame wan otimunu kirac. Wanunu dedede odubunu. Dub duparo ne nywakwa kede Rubanga, kede ngat ocelu, kede cwec tur. Isawan mogo wan otamakinunu pipimo gikarecowa kede jame abeco kame wan otimunu arabo kede pwola me

diniwa. Isawan mogo oning itek pien likame otwero bedo epone mejo kame koto obedo. Wan dedede oporenu donyo ialola me too.

Musalaba

Icorakin but Ngapwony: Nyut **CAL AGOA** Cal me 3: Musalaba. Itatam ni wok ki ijin: Matayo, Marako, Luka, kede Yokana.




Jo mito ngeno ngai en obedo Yesu kede gikame En etimo pirwa. Tatamo kop kamako musalaba: Tatamo di nyuto dwong me musalaba no newa.

ITATAM: Rubanga obedo kede tam me rooco nywakwa kame bin dub oturo. Imwakini kame romo bala 2,000 cen, Rubanga ooro Wode Yesu ipiny. Yesu bin konywalo di etie dano. Di eko bedo abongo timo dub Moro. En eko yei nejo neke bala giayala kacil becebec kame komio pi dub. En eko too imusalaba, di eyeo dubwa ikome. Ingei ceng adek, En eko bedo kuo dokon, di epugo too. Paka tin En etie kuo.

DWONG MERE BUTWA: Yesu karuno sasiro dubwa. Ekaruno cango nywakwa kede Rubanga, kede jo icegun, kede giacwea. Pi lakere, wan oyei Yesu. Di oko kwane pi sasiro dubwa. Wan ojalo adulion dedede me kuowa pi timo mit mere. Mano en dwong me bedo Akurisitayo.

Kuo Aperakino

Icorakin but Ngapwony: Nyut **CAL AGOA** Cal me 4: Dwogo. Yokana 3:16 kede Gianyuta 21:1-7 mago en obedo tienge apir gi tek kii dul ni. Kame di itie kede kare, nyogao nu maako kop ka tie iYokana 3:16 karacel.



Nywakunu Kop kamako kuo kaperakino:

Baibuli yamo be Rubanga bin omaro piny itek twatwal di Eko mino Wode acel kenekene, tetekeyn ngat kame yei En kur toi do eud kuo kaperakino. Ngatamoro ni kenekene kame keto gen mere ikom Yesu oyaro bedo kuo nakanaka, da icen ngei too. Kuo anyen ni gere NATAMAN, di wan osiao winyo dwan Rubanga. Nywakwa kede Rubanga omito geno roc dok ical mere kame bin Rubanga omito be ebed kede iya gege. Ceng moro acel, Yesu omito dwogo di eko roco gi dedede.

'Too moro dokon liko yaro bedo tie arabo iturur amotoko koko arabo lito'. Nywak kii idoketa adek dedede omito cango mwaka imwaka.

Teteo Nywako Ejiri

Icorakin but Ngapwony: Kiarao **kad** acel acel malo kame di ijujungo kope ni.

Man en ejiri kame wan omitunu nywako

Cal me 1: Giacwea: Rubanga ocweo piny kiber odocon.

Cal me 2: Poto: Dub odonyo ipiny. Eko turo nywakwa kede Rubanga, kede jo icegun, kede giacwea.

Cal me 3: Musalaba: Rubanga omarowa itek twatwal di eko ooro Wode Yesu. Yesu otoo pi roco nywakwa kame bin otur ikare me poto. Okarununu kwano Yesu pi kwanyo dubwa tenge tetekey nywakwa karuno geno cango.

Cal me 4: Kuo Aperakino: Wan okarununu bedo kuo mwaka kede mwaka kede nywak koroc. Kuowa kanyen cakare NAN.

Nywako ejiri kede ngatamoro likame dwong mere be epore timere dedede kicel. Cengemogo nywako yamo kapapat twero bedo timere tien atat atota pi kare moro alac. Kame inywako, etie tam kapire tek me yin penyo be, 'Benyo, itie kede peny moro?' Manono mio kare but jo pi paparo kop ikom gikame gin kiwinyo. Kame gin kipeny kop kame yin likame ingeo epone me dwooko, ikaruno lwongo gi pi bino yamo kede ngakwat wu.

Dokon, KUR ipar pi bedo kede kope kabeco odocon. Kur ipar be amoto imito weko jamini mogo ooko. Tic wan en me timo tic iepone kibecokina, di oko geno Rubanga pi tic ikuo kajo.

TIC KEDE NGAWOTI

Icorakin but Ngapwony: Pok jo are are. Ngat acel acel bino tero kare me nywako ejiri kede ngawote. Ibecokina negin paro kop ikom cal ongwon. Icen ngei dakikan 15, kob dokon but jo are apat di iko timo kamanono dokon. Dakikan me timo kop no bino bedo 45. Dano acel acel bino bedo kede epiding me nywako ejiri tien 3 kede dokon epiding me wiinyo ejiri di otito tien 3.

MINO ADWOKINI KEDE JUJUNGO KOPE

- Benyo, oudo nywako ejiri tien me agege yoyot arabo tien me adek?
- Peny arabo pekini mege en kame pwodi itieunu kede?

Icorakin but Ngapwony: Kame di dano moro tie kede penyarabo peko, mi ekodet tamakino konyogi. Manoni bino konyogi dwodwoko peny kamako ejiri. Dokon eyaro konyi ngeno atotolun kame ekodet tie kede.

Kope Kajiko

Isabiti ni itieunu kede giatima!

- Teteo nywako ejiri kede dano acel Moro. (Ekaruno bedo kede yin nywako ejiri akadi kede ngat koyei ace.)

Leg but Rubanga tetekey wek Emii epiding me nywako ejiri kede ngatamoro kame pwodi likongee.

Dul Pwonyere me 9: Daro Tui Kanyen

Tam Ka Pir Gi Tek

Rubanga tie tic. Likame oporenu bedo kede par kame di otieunu daro jo pi gamo ejiri. Likoporenu ipatan ikuowa ikom kop kamako wel me ateni kame wan oporenu culo pi lubo Yesu.

Jame me Tic

- Kads kanyuto Anapeta me Tuco Ejiri: Pito kodi kede Daro tui
- Kads kanyuto Nywak me iponeso Adek: (Kads ongwon: giacwea, Poto, Musalaba, Kuo Kaperakino)

Nyuto Pwony

LENO TAM IEKODET KADWONG

Icorakin but Ngapwony: Kiarao *Kad kanyuto Anapeta me Tuco Ejiri: Pito Kodi*

Kii dul pwonyere me ajikini, oyamunu kop ikom pito kodi. Otiunu kede Cal kanyuto Nywak me Iponeso Adek pi konyowa yutuno gikame onywakunu. Okounu dokon da teteo epone me nywako ejiri.

TEMUNO NGINGICO

Icorakin but Ngapwony: Kiarao *Kads kanyuto Iponeso Adek me Nywak kame ipenyo peny gi. Agam me peny nogi likame pore bedo becebec bala kite kame konapo gi kede iya napeta; yutuno ne ekodet be qin likame kipore bedo kede kope me anywaka dedede di cil odocon.*

Cal me 1: Giacwea

- Nyo en kame wan onywakunu me agege?
 - *Rubanga ocweo piny di ber odocon.*
 - *Rubanga likame cal kade tipere icegun ka. En etie kede twer didokon eber.*

Cal me 2: Poto

- Nyo kalubo mere en kame onywakunu?
 - *Dub odonyo ilobo di eko tuturo nywakwa kede Rubanga, kede jo icegun kede giacwea.*

Cal me 3: Musalaba

- Nyo en kame onywakunu ikom musalaba?
 - *Yesu en wot ka Rubanga.*
 - *Like etimo dub.*
 - *En etoo ikom musalaba bala giayala me dubwa.*
 - *Kame wan omio kuowa but Yesu, En esasiro dubwa di eko geno cango nywakwa.*

Cal me 4: Kuo kaperakino

- Nyo en kame onywakunu me ajikini?
 - *Wan okarununu kuo mwaka imwaka kede nywak koroc.*
 - *Kuowan kanyen gere nataman.*

Icorakin bu Ngapwony: Kiarao *Kad kanyuto Anapeta me Tuco Ejiri: Daro Tui.*

Dul pwonyere ni mako kop ikom daro tui me kodi.

- Benyo, icen ngei yin pito kodi, ikaruno ngibuco neno gikame tie timere idud lobo? *(Ii)*
- Ikaruno diino kodi dongo malo? *(Ii)*
- Nyo en kame ngapur timo kame di etie daro kodi pi tui? *(Edaro. Egeno. Ekapakin. Elego pi kac kaber.)*

Tuco Ejiri cal Kaman. Icen ngei yin nywako ejiri, cengemogo jo twero mito kare. Likame wan opore nu ipatan arabo caato gimoro. Ogeno Rubanga pi kello jo iajakanut Mere.

Teko Me Timo Iswilar

LENO TAM IEKOEDT KADWONG

Atin awobi me Kombadia

Bin tie ngaor atuc jiri Moro ii Kombadia. En bin ebodo nywako ejiri kede awobi Moro. Atin awobi ni oko winyo ngol adwong ikuo mere twatwal kakame eniang kede be en etie ngadubo dokon ekaruno donyo iyalola me giana pi dub megge. Akadi bed bala kamano, kakame etamo kede pi jalakino kuo megge kareco kalem tetekeny edok Akurisitayo, cunye dokon kogung. Buli sabiti acel acel en oudo ebino but ngaor atuc jiri ni di eko wacone be— amito doko Akurisitayo. Ngaor ni oudo dwoko ne be – benyo, iyei jalakino ilek nini kamaki, mit nin kamaki, di iko kuo pi Yesu kenekene? Iyei weko mino giayala ii billa me pacowu di iko wooro Rubanga kenekene? Iyei tero kare siao kop kamako Rubanga? Buli esawa katin awobi ni oudo bedo oot tenge di cunye odubere pien bin likame eikere. Akadi bed bala mago tie, lworu oudo tie ne me culo wel pi dub megge di eko oot igiana, aso manono oudo mien ebodo dwogo buli sabiti acel acel di epenyo ngaor ni tien tien –benyo, tie epone moro kame angoda akaruno dooko kede Akurisitayo? Ngaor ni oudo dwoko ne be – li, miero yin iyai tenge ikom yoteni arabo idong iye di likame iko dooko Akurisitayo Atwal.

- Pinyobo en komio bin cunye atin awobini odubere? (*oudo en emito be kwany dub megge tenge do di pwodi en etie gwoko gi*)
- Pinyobo en komio ngaor ni likame karuno lego kede atin awobi ni tetekeny edok Akurisitayo? (*likame en bin eyikere me lubo Yesu*)
- Benyo, yin itamo be bin ngaor ni tie timo gikibecokina me en likame lego kede awobi ni pi dooko Akurisitayo? Pinyobo ebo arabo li?

Icen mere, icuoni oko riamakin kede ngaor ace dieko wacone be en cunye tie mito dooko Akurisitayo kede teko dedede. Ngaor me are ni cunye oko bedo yom twatwal – icuoni cunye bin omito dooko Akurisitayo. Ngaor me are ni diko nywako kede be gikame en miero etimi pi dooko Akurisitayo en yamo ilega me ngadubo. Cuny katin awobi ni dioko doko yom twatwal – kara tie dokon yongoyo ace. Gikame en epore timo en yamo ilega me ngadubo kenekene. Kame bin yoyot twatwal, en ekwia giko mio ngaor me agege ca omio kop me dooko Akurisitayo tek kamano. En eyamo lega ca di eko dok cen itice mege kalem ka, di cunye yom pien likame dokon lworu me oot igiana do tie. Gin dedede joor are gi likame dokon oko medo neno icuoni atwal.

Itatam kame wan osomunu noni cacal kede itatam ace kame udere ii Baibuli.

Som Marako 10:17-22

- Benyo, kakame atin awobi kobaro ca otuno kede atuna, nyo en kame en eko penyo Yesu iye? (*epone me udo kuo kaperakino*)
- Nyo en kame bin Yesu oko Waco ne awobi kobaro nono pi timo? (*cat gi dedede kame etie kede di eko gabo jo can*)
- Adwok mene en kame awobi ni oko mino? Benyo, bin eko yei timo gikame Yesu owaco ne be etimi? (*En bin eko onyaro tenge di cunye odubere. En likame eko timo kamanono.*)
- Benyo, do atin awobi kobaro noni oko lakere? (*li*)

- Pinyobo komio li? (*en oudo likame etie ked emit me timo gikame Yesu mito*)

Yesu bin ngeo be atin awobi ni maro sente kalamo Rubanga. Icuoni likame oudo Mito jalakino abar megge pi Yesu. Yesu likame oudo romo yei ne awobi no lube kwanyo di eyei winyo dwan Yesu kii adulion dedede me kuo mere.

- Benyo, kame di ngatamoro likame tie Mito jiko timo dub di eko winyo dwan Yesu, yamo ilega me ngadubo karuno minogi kilakere? (*li*)
- Benyo, bin katin awobi me Kombadia ca oko lakere kakame eyamo kede ilega me ngadubo? (*li, en likame eko lokere*)

JUJUNGO KOPE

Wan likame miero ocwal ngatamoro pi yamo ilega me ngadubo. Rubanga kenekene en kame karuno looko cuny dano di eko winy omit me lubo Yesu. Wan miero ogenerere nu kii epelu wa me temuno lobo kede pito kodi di oko dong geno Rubanga pi kello kac kii kare meren.

Culo wel kede Ruom

Otamuno ber kop ikom tien kope kamio ngatamoro no likame karuno akapakin me lubo Yesu.

NGICERE APIRI

Icorakin but Ngapwony: *Som peny kalubo gi di iko minogi dakikan 2 kame dano acel acel kapire ngingicun kede.*

- Benyo, ingeo ngatamoro okello atotolun ipacogi pi gin moko tamgi me lubo Yesu? Iye adulgi?
- Benyo, oudo eyoyot nein arabo oudo etek nein me moko tam me lubo Kurisito? Wel nyo en kame bin yin iko Mito culo? Alokalo nyo en kame bin yin iko Mito timo kii kuoni? Alokalo go bin oko romo nein udo alako?

MINO ADWOKINI

Icorakin but Ngapwony: *Lwong jo bin nywak itatam kamako culo wel me lubo Yesu.*

LENO TAM IEKODET KADWONG

Som Luka 14:25-33

- Di lubere kede dul giasoma ni, wel nyo en kame tie ibedo ngasiao?
 - *Pore gin dagi jodiakal gi pi amaragi ikom Yesu*
 - *Miero kiyei musalaba gi – kinyut miregi paka tuno neno can pi Yesu*
 - *Onyut amiton wa paka jalakino jamini dedede kame wan otie kede*
- Itamunu be jamini mege en kame jo alikoyei go wudo loko arabo jalakino tek negi pi lubo Yesu? (*adwok me peny ni karuno ribaro: kope kame jodiakale gi Waco, wor arabo tiegi kii adul gi, mulem, arabo woro tipere ace*)

Som Matayo 13:44-46

- Yesu oporo ajakanut me malo kede nyo?
 - *Lim*
 - *Kidi me wel*
- Lim nono oudo wel mere ruom nadi?

- *Gi dedede kame gin kitie kede*
- Benyo, bin cuo go cuny onur pi culo wel mere?
 - *Li, gin kibedo kede kilel*

Kame ngatamoro oyamo be emitu lubo Yesu, miero gin kitamakino winyo dwan Yesu kii adulon dedede me kuogi. Gin miero kiyer pi yomo cuny Yesu kalamo yomo cuny jodiakal gi karacel kede joawotino gi. Kame jo likma tamoko kop i kom wel ni, udo likame gin kiniang dwong kop kamako lubo Kurisito. Do Yesu obedo icuo me auro kame wel me lubo ruom kamanono!

TIC IEKODET KATIDI

Icorakin but Ngapwoy: *Yer peny are kame upere kede gikame itie pwonyo. Mi peny acel but dul me ekodet kede peny me are but adul acel me ekodet. Di ikodeta go tie leno tam i kom penygo, yutuno negi pi likame ipatan arabo supo cuny jo.*

- Ter bala inywako ejiri kede dano moro di eko waconi be, 'Ango amito udo kuo kaperakino do jodiakal wa likame omite yei na dooko Akurisitayo'. Oudo koto yin iyamo ne benyo?
- Ter bala inywako ejiri kede dano moro di danono ko yamo ni be, 'ango amito dooko Akurisitayo do ud nango tie itimo waragi. Likango akaruno jiko time'. Nyo en kame koto yin itwero wacone?
- Ter bala koto inywako ejiri kede ngatamoro di gin kiko yamoni be, 'ango amito woro Yesu karacel kede arubangat me pacowa'. Yin koto itimo benyo, arabo koto iyamo kop nyo?

MINO ADWOKINI

Kame di Ngatamoro Odagi Ejiri

LENO TAM IEKODET KADWONG

Tam dokon kop i kom awobi kobaro ca kede Yesu.

- Benyo, bin awobino oko gamo Yesu? *(li)*
- Benyo, bin Yesu otimo tic arac me tuco ne awobino ejiri? **(ngei be:** *Peny ni cengemogo karuno kello atotolun nejo! Yei negi nyamo kop noni pi dakikan mogo kame di mitere. Pepeny iponeso me peny bala nat, 'Nyo en kame joace tamoko? Benyo, yida iyei kede kop noni? Nyo en kame nyuto be Atuc Jiri tic mere tie wok di ber?*
- Benyo, kame diwan onywako ejiri dodi jo likame tie dooko Ikurisitayon amonono, udo tic wa likame tie wok iberi? *(li)*

Yesu liko dubo arabo poto kede timo gimoro. En didik oudo etimo mit ka Rubanga kiber odocon. Dodi kakame Yesu oyamo kede katin awobi ni, likame eko karuno lakere. Bala jotuc jiri, cengemogo okarununu parere kame dano liko udo alako, ineno bala udo otimo kirac. Do Rubanga gire udo cunye yom kede wan pien udo owinyo dwane. Okarununu gene kede kello adwokini kabere.

Nyo ace dokon en kame wan okarununu timo?

Gi aber odocon kame wan otwerunu timo en medere kede lego pirgi pi lakere. Rubanga kene en kame karuno Mino gikuo kanyen. Wan miero omedenu nyuto amara but dano. Dokon wan otwerunu lego be, 'Rubanga, konya angei gikapore atima kame lubo'. Rubanga twero nyuto newa jamini me atima, bala nat:

- Nywak cadenwa.
- Nywak itienge atot kede itatam kayai Ibaibuli.
- Kel akwat bino welao gi.

- Lwong gi kibin ikanisa arabo isiao Baibul.

Igimoro atimere dedede likame wan oporenu ipatan arabo tamakino supo cunyi. Yesu likame otimo kamano ne awobi kobaro ca. en ewekone icuo ca timo yer mere me oot tenge, akadi di oudo cunye onur.

Kope Kajiko

Kame wan onywako ejiri, cengemogo wan omounu dwoko wel me lubo Yesu piny. Likame wan oporenu timo kamano. Rubanga omoto niango jo ruom me wel mere kite Katie kede. Miero wan onyutunu amara kede genere kamedu onywakunu ejiri. Wan okarununu geno Rubanga pi tic ikuo ajo.

Dul pwonyere me 10: Yai ki Tui tuno ii Anyakini

Tam Ka Pir Gi Tek

Kame jo okapakin, wan okaruno lwongo gi pi lubo Yesu. Miero wan oteteunu Ikurisitayon kanyen.

Jame me Tic

- Kads kanyuto Anapeta me Tuco Ejiri (kads 6)

Nyuto Pwony: Tui Kanyen

LENO TAM IEKODET KADWONG

- Peny megge en kame bin kopenyin kede ikare kame kotie batiso yin kede?

Icorakin but Ngapwony: Kiarao *Kad kame nyuto Anapeta me Tuco Ejiri: Tui kanyen malo*

Kakame dano Mito dooko kede a Kurisitayo, pepenyo gi peny kalubere gi.

- Benyo, yin iyei be Yesu kenekene en kame karuno laki ikom dubni?
- Benyo, yin iyei jiko timo dub di iko winyo dwan Rubanga kii adulion dedede me kuoni?

Icorakin but Ngapwony: *Mi kilasi nyogonyogo peny are go tien kede tien.*

Kame ngatamoro karuno yamo be eebo ikom peny gi, udo gin kikapakin me dooko iKurisitayon. Ilega tie Kan kayoyot kame yin ikaruno lego kede gi. (Ikaruno dokon da kello gi but ngakwat arabo but ngatel kanisa Moro ace. Dano no karuno lego kede gi.)

Yesu, Ango cunya otur pi dub na. Ango ayei be yin en Rubanga dokon isasiro dub na. Lonya. Ango amii kuona, dedede.

Yai ki Tui tuno ii Anyakini

LENO TAM IEKODET KADWONG

Icorakin but Ngapwony: Kiarao *Kads kanyuto Anapeta me Tuco Ejiri: Tui anyen kede Anyakini. Malo*

Kakame dano Moro doko kede a Kurisitayo, gin kicacal kede kodi kotui atua. Tin oyarunu oot yamo ikom epone me wok tenge ikan (*kiarao Kodi otui atua*) malo paka kane (*kiarao anyakini*) Malo

- Benyo, iyutuno egolo me Tuco Ejiri? (*pi kello inywak kede Rubanga tetekeny gin kidok josiao*)
- Epone mene en kame wan ongeunu kede be dano odoko ngasiao? (*kitie kede anyakini*)
- Benyo, giapita kanyen karuno kello anyakini awaka awaka? (*li*)
- Epone me jamini megge en kame ngapur omito timo kame di imukerun me giapita mege tie geno dongo? (*Adwok kibecokina ige: puputo doi tenge, gwookogi ikom leini, bwobwongo gi kede pii, kede ace kamitere*)

Icorakin but Ngapwony: Kiarao *Kad kanyuto Anapeta me Tuco Ejiri: gwooko Tui kanyen malo*

Tuco Ejiri likame jik kakame dano doko kede a Kurisitayo. Bala kite kame ngapur gwoko kede kodi mere kotui atua, wada miero ogwok joko yei anyen gi paka dongo.

Gwoko Kodi Otui Atua: Teteo

LENO TAM IEKODET KATIDI

Som dokon Oor Kadwong (Matayo 28:19-20).

- Nyo en obedo adulo are me teteo jo dooko josiao? (*batisogi kede pwonyogi lubo gikame Yesu ocikakino dedede*)
- Kakame yin idoko kede ngat koyei iagege, jamini megge en kame bin yin likame iniang? Jamini megge en kame bin jo kocato iyei oko pwonyin iye?
- Adulion megge me kuo nin acon bin oko bedo tek nin me lokere iye arabo weeko?

MINO ADWOKINI KEDE JUJUNGO KOPE

Jokoyei anyen gi likame oyaro dooko tek iyei pap. Ibekokina ne ngatamoro ni dedede pi ber kong auta kede dub. Nywak me epone mogo karuno ber bedo tek. Likame gin kimito twero timo gikame nyuto wor but Rubanga didik. Miero wan opwonyunu gi pi lubo Kurisito kii adulion dedede me kuogi. Mano en kame kolwongo be teteo dano pi bedo ngasiao pien udo wan otie konyo ngatamoro no dongo bala ngasiao.

LENO TAM IEKODET KADWONG

Peko ka Yosua

Kakame Yosua odoko kede a Kurisitayo, cunye oko bedo yom. Dub megge oko sasiro! Do bala kame sabitin obedo kaato kede, cunye oko geno dok cen. Nyom mere obedo beo kakatek pi mwakini atot. Yosua otamo be kame edoko a Kurisitayo, nyom mere bino dooko yoyot. Etamo be likame dokon cunye bino wang kede dako mere. Yosua olworo yamo kede danomoro me kanisa ikom kop noni. Benyo bin gin oudo kitamo be en likame ebedo a Kurisitayo?

- Pinyobo en komio cuny Yosua bin oko dok cen?
- Epone mene en kame okarununu konyo kede iKirisitayon anyen gi auta? Nyo en kame karuno mini bedo agonya me nywako?

Etie gika Pire tek pi Mino jo koyei anyen gi ngeno be etie me kony pi gin nywako auta kame gin kitie kede. Liakme kitwero udo kony kame di likame tie ngat kangeo be gin kitie Mito kony. Wan okarununu nywako kede gi auta kame wada obeunu iye ikare okato cen. Dokon okaruno nywako kede gi pekini kame wada otieunu beo iye natamane. Kame ngat koyei Moro tie iyauta, oporenu nyuto amula cunywa bute kede isasir.

Yote Kosipokin me Teteo josiao

LENO TAM IEKODET KADWONG

Som Joeburania 10:24-25

- Itieng ni yamo be oporenu timo nyo?
 - *Tenyaro (med teko) cuny ngat ocelu pi maro icegun kede timo tice kabeco*
 - *Kur ojalakino riamakin karacel*
 - *Cuk cuny ngat ocelu*

Itieng waconewa pi likame jalakino cokere karacel. Kur IWEKUNU jo koyei anyen gi tamakino dongo gin ken

gi. Cobuno riamo kede gi, liame kii kanisa kenekene! Ikarenoni yin ikaruno:

- CUKO CUNY gi:
 - Leg pirgi dokon kede gi.
 - Nywak kede gi gikame Rubanga otieko timo kede gikame etie timo ikuoni.
 - Lwong icegun (awotino, ngakwat ni) pi bino inywak.
 - Nywak itatam kawok iBaibuli arabu itienge mogo.
- MED GI TEKONG me maro icegun kede timo tice kabeco:
 - Lwong gi pi bino siao Baibuli karacel kedi.
 - Lwong gi pi bino timo Tice me Amara karacel kedi.

TIC KEDE NGAWOTI

Icorakin but Ngapwony: *Popoko jo iekodet me joare are. Mi ekodet acel acel kope katek ikom anapeta me kope kame tie piny kane. (Yer gikame maro timere ne Ikurisitayon kanyen kii adulwu.) Migi kitemuno tuko Moro acecek. Tuko no pore nyuto ngatamoro di tie teteo ngt koyei anyen di beo kii tingo cuny (lego, nywak) kede Mede teko (lwonge bino siao Baibuli arabu AOL). Mi buli ekodet acel acel nyut tuko gi inyim ekodet dedede di iko Mino ekodet dedede mi tam ikom tuko nono.*

- *Jodiakal gi cunyi owang kedegi be pinyo komio gin kidoko Ikurisitayon.*
- *Jodiakal gi Mito negi nyuto worgi iya bila me paco.*
- *Tuo omako iduegi, kame kitie yikere me tero gi iye muron ajwok.*
- *Gin kotamogi kede mato eguli kame cunyi odubere kede par.*
- *Gin kitie kede peko inywakgi kede ngakio gi.*

JUJUNGO KOPE

Teteo dwong mere be oupere karacel kii kuo. Onyuto nenu jokoyei anyen epone me lego, siao Baibuli, kede dongo kii Kurisito. Otingo cunyi tetekeny kur kijalakino!

NGICERE APIRI

Tam kop ikom dano Moro kii kanisa ni kame oyei do likame etie dongo bala ngasiao. Leg Pire di ikwao Rubanga pi mini epone kame ikaruno konyogi kede dongo.

Nyogao Ngingico Itabu me Tuco Ejiri

LENO TAM IEKODET KADWONG

Otiakunu yamo ikom epone kame tuco eiri cal kede pur. Mane en obedo dul pwonyere me ajikini kie Itabu kamako tuco ejiri. Onyogaunu ngingico kope kapingi tek.

Icorakin but Ngapwony: *Kame di kilasi tie kede peko ikom dwoko peny, nyogao ngingico kope kapingi tek ikom dul pwonyere noni kede gi di iko medo pepenyo gi dokon tien me are.*

Kiarao Kad kanyuto temuno lobo malo

- Ego me tuco ejiri en nyo? (*loko jo doko josiao/ bedo kede nywak kede Rubanga*)
- Ngai en kobedo atuc jiri? (*Ngakuritayo moro ni kenekene*)
- Nyo en kame Rubanga tio kede me temuno lobo? (*kuowa me buli ceng, caden wa, ilaga wa*)

Kiarao Kad kanyuto pito kodi malo

- Nyo en kame karuno kello epiding me nywako ejiri? (*Tice me Amara, nywako yamowa me buli ceng*)

- Kakame yin itie inywako kede ejiri, nyo en kame iponeso adek me nywak yutunowa iye pi nywako? (*Giacwea, Poto, Musalaba, kuo kaperakino*)

Kiarao *Kad kanyuto daro tui* malo

- Benyo, oporenu ipatan ikom kop kamako wel me lubo Yesu? (*Ii*)

Kiarao *Kad kanyuto tui kanyen* malo

- Benyo, ikarununu yutuno peny are kame obinunu pepenyo kede jo kame mito doko Ikurisitayon? (*Yin iyei be Yesu kenekene en kame karuno laki ikom dubni? Yin itie kede mit me jalakino timo dub di iko Winyo dwon Rubanga kii adulion dedede me kuoni?*)

Kiarao *Kad kanyuto gwoko kede Tui* malo

- Kakame dano moro no doko kede Akurisitayo, nyo en kame pore newa medere kede timo? (*teteo gi/konyo gi dongo*)

Kiarao *Kad kanyuto Anyakini* malo

- Epone mene en kame wan ongeunu kede be dano morono tie ngasiao ka Yesu? (*gin kitie kede anyakini*)

Kame ngatamoro tie nyuto anyakini, wan onge be ngat nono obedo ngasiao dokon etie kede nywak kede Rubanga. Manoni en dwong kop me tuco ejiri.

Kope Kajiko

LENO TAM IEKODET KADWONG

- Nyo en okeloni wur kakame yin itie kede isiao kitabu ni?
- Nyo acel en kame cengemogo Rubanga mito nein geno tiimo?
- Peny mege ace en kame yin itie kede ikom kop kamako tuco ejiri?

Icorakin but Ngapwony: *Lwong kilasi bin dwodwoko peny. Kame di tie wikope kame pore me anyakai, wandikogi tetekeny jotel me TCT miu adwokini.*

Leg pi joasomo kame di kitie keto kop me dul pwonyere ni itic.

Dul Pwonyere kame Koleparo: Ne Jokwat

Tam Ka Pir Gi Tek

Otie kede itatam kawok Ibaibuli katot atota kame bino koonyo jokoyei dongo kii yeigi.

Nyuto Pwony

Itatam dedede kame tie Ibaibuli karuno pwonyowa ikom Rubanga kede koonyo jokoyei dongo kii yeigi. Dul pwonyere ni omito pwonyi epone me iiko/ temuno pwony di itio kede itatam kawok Ibaibuli. Dokon en ekeloni itatam me Baibuli 20 kame yin ikaruno geno pwonyogi oyotoyot. Itatam acel acel nyuto newa ateni ikom Rubanga kede nywakwa kede En.

Kame likame itwero somo Baibuli ni, pore iot but ngakwat wadu kame twero soomo kedi. Tiunu karacel kede gi pi looko dul giasoma acel acel dok itatam di ikounu nyakao en. Di iko nyogao tatamo itatam no ne ekodet kame ilego kede.

Epone me Temuno Pwony di itio kede Itatam kawok Ibaibuli

Madalan me temuno itatam

1. Niang itatam.

Som itatam kii Baibuli. Tam kopikom itatam no.

i. Nyo en kame epwonyi?

ii. Tam kapire tek mene en kame tie iye?

iii. Pinyo en komio korwako itatam no Ibaibuli?

2. Cwei pica me itatam no iya damni.

Ter bala koto yin ibedo ngatacel ikom jo kame itatam no yamo ikome. Ter kare di itie keto komi bala ngat kotimo gika dwong ikop no. Koto cunyi owinyo benyo? (Anen bala nat, kame di koto yin itie tatamo itatam me wele kobino Waco ne Abraam kede Sara be mwaka kabino ca gin kimito udo katin, koto Abraam owinyo benyo kii itatam no? Koto Sara owinyo benyo?)

3. Tatamo itatam no kede dwan alongo.

Ikaruno tatamo itatam no but ngatamoro kenekene – ne nganyom ni, ne katini, arabo ngawoti. Tatamo itatam no kede dwan alongo konyi tamo gikame imito Waco. Kame itatamo itatam no idakikan anonok cen, ikaruno nan do wandiko en piny kame di wandiko en twero konyi yutuno en kiber.

4. Tamakino maro leno yamo.

Leno yamo mio itatam bedo kede amiton atek. (Anen bala nat, kame itie yamo itatam ikom Poto me Eden kede twol, nen be iyamo kop kame twol oyamo ne Keba ikokome.)

5. Niang jo tien kop komio itatam no pire tek kede gikame en epwonyo ikom Rubanga kede jo.

Ikom itatam me Baibuli kame wan omio kii dul pwonyere ni, obino minou kope mogo kapingi tek kame iporenu woto ooko.

6. Mii yote kame wan okaruno tic kede ikuowa.

Jo pore tic kede gikame gin kisiao, kame li, gino liko yaro dooko dul me kuogi. Yakobo 1:22-25 Waco be, 'Kur ibedunu jowiny kop kenekene di ikouno ngalere kenu. Tim gikame ewaco. Ngat kame winyo kop di likame eko keto itic cal kede dano kame ngicere kede ilabura, icen ngei en

ngico nyime, awakawaka ka eoto tenge, wie wil kede cal mere. Do ngat kame kitokin ngico iswil kacil adocon kame mio alajar me kuo, di en eko medere iye—di wigi likame wil kede gikame gin kiwinyo, do pore kitime—gin kibino bedo kede winyo ikom gikame gin kitimo’.

Itatam 20 me apwonya kii Baibuli

Kii Itabu me 1 ipwonyerenu ikom itatam kamako Cwec kede Poto. Kii Itabu me Tuco Ejiri dul pwonyere me 8 wun isiaunu epone me mino itatam nogi geno kii Agege 1-2. Itatam noni niangowa be Rubanga ocweo gi dedede. Epwonyowa be atuturun kotimere ilobo owok iwi dub kadano. Otie kede itatam me apwonya kane, kede kope kapiigi tek kame yin ikaruno woto kiyigi.

ISIKAN KA RUBANGA KEDE ABRAAM

Agege 12:1-9, Agege 15

- Rubanga oyeru Abraam pien Abraam bin oyei En, likame pien Abraam oudo otimo gimoro.
- Isikan ka Rubanga likame gongere ikom wan, do ikom ekite Meren, kame likame lokere.

ABURAAM KEDE ISAKA

Agege 22:1-19

- Abraam ogeno Rubanga kede jamini kame en bin elworo itek.
- Rubanga poko newan gi dedede kame Orem newa.

YOSEPU

Agege 37-45

- Rubanga tio kede auta katek kede aliton pi cobo yik Meren.
- Rubanga ngeo anyim didokon Etie kede twer igi katimere iye dedede.

MUSA KEDE YAI

Yai 5-14

- Rubanga tek kalamo arubangan dedede. En epugo piny dedede.
- Rubanga owinyo jomegge.
- Rubanga gwoko isikan Megge.

IWITELA

Yai 16, 17:1-7

- Rubanga oko gaabo jamini dedede korem ne jomegge. Kede Rubanga, jame me tic likorem.
- Rubanga telo jomegge.

MINO ISWILIAKA

Yai 20-21

- Rubanga paro pi adulion deded me kuo.
- Ipelaun ka Rubanga pirwa beco.
- Jo bin liko twero lubo iswliaka. Wan dedede omitunu Ngalak.

YII ME JERIKO

Yosua 6:1-21

- Rubanga yii Akaka wan kame diwan ogene.
- Miero wan owiny dwane akadi dilikame ekelo niang aber butwa.

DAUDI KEDE GOLIAS

Samuel me1 17:1-50

- Rubanga karuno tic kede ngatamoro kenekene kame gene.
- Kede Rubanga, wan dedede omitunu loono yii. Likame pore newa bedo kede lworu.

YONA KEDE DEKNAM KIYILIYILI

Yona 1-3

- Rubanga tie kede amula cuny pi jo dedede.
- Kame wan oswilarunu, Rubanga sasirowa.

ELIYA KEDE INABINO ME BAAL

Abakai me 1 18:16-40

- Kame iworu Rubanga, likame dokon ibino woro gimoro ace. Ngat acel acel miero yer woro Rubanga arabo caljwogi.
- Rubangawa tek kalamo tipere kede arubangan dedede.

ETEM ME MAC KAPEPE

Danieri 3

- Rubanga karuno konyowa kii kop moro kenekene. En etek kalamo jopug me loboni dedede.
- Bed bala Rubanga likame tie timo gikame wan omite, pore wan ogenenu.

ITATAM KAMAKO KURISMAS

Luka 1:26-38, Luka 2:1-21

- Yesu obedo Dano ikokome kede Rubanga ikokome (likame do be eite dano kitegelekina, likame Rubanga ocukere acuka pi bedo dano).
- Yesu obedo Mesia{ngalak} kame bin kociko kop ikome, konywale pi lakowa ikom dub.

YESU OKWEO EBUKA

Luka 8:22-25

- Yesu tie kede twer ikom giacwea.

YESU CANGO ICUO KAME CWOGI OLEO KUO MERE

Luka 8:26-39

- Yesu tie kede twer ikom tipere dedede.

YESU MIO ITATAM ARE – AWABI ORWENYO KEDE OROMO KORWENYO

Luka 15:1-10

- Dano dedede tie me wel adwong ibut Rubanga.
- Rubanaga mito ne dano acel acel iswilar di eko dooko dano me Ajakanut ka Rubanga.

YESU OYARUNO LASARO KII TOO

Yokana 11:1-44

- Yesu tie kede twer ikom too.

- Yesu paro pirwa paka tuno iruom me iturur kame di wada otie iturur.

CAM ME AJIKINI

Luka 22:14-20

- Yesu en Rubanga, do ebino pi tic newan.
- Wada miero otinenu jowotwa.

AGURA KEDE IYARUN

Luka 23:13-56, Matayo 28:1-10

- Yesu otoo pirwa imit mere. En etero dubwa kede alola me too akoto wan obei iye.
- Yesu tek kalamo too; likame wan opore lworu too.

PENTEKOTI

Tice 2:1-12

- Kakame Yesu odok kede Malo, En eko cwano Tipo Kacil pi bedo iiwa.
- Tipo Kacil miowa teko me bedo bala kame Rubanga mitonewa.

LOKERE KA PAULO

Tice 22:1-21

- Kolako wan kede kisa, likame kede tice (Paulo oudo obedo Ngaparisayo).
- Ejiri tie pi dano acel acel.